



# ЯКЯФИСТНИК ПРАВОСЛАВНОЙ МАТЕРИ



Молитвенный покров

Сборник

**Акафистник православной матери**

ТД "Белый город"

2014

УДК 243  
ББК 86.372

## Сборник

Акафистник православной матери / Сборник — ТД "Белый город", 2014 — (Молитвенный покров)

В сборнике содержится восемь акафистов: пять — Богородице в честь чудотворных икон и три — святым. Надеемся, что они помогут родителям в их молитвенной заботе о детях. Перед Феодоровской иконой молятся о даровании детей. Названия икон Богородицы «Помощница в родах», «Млекопитательница», «Воспитание» «Прибавление ума» говорят сами за себя. Преподобному Сергию, игумену Радонежскому, многие дети и их родители молятся о даровании успехов в учебе, а великомученику Пантелеймону с древних времен молятся об исцелении от телесных и душевных болезней. К святителю Николаю Чудотворцу христиане обращаются во всех своих нуждах, в том числе молятся и об устроении семейной жизни своих детей .

УДК 243  
ББК 86.372

© Сборник, 2014  
© ТД "Белый город", 2014

# Содержание

Предисловие	10
Акафист Пресвятой Богородице в честь иконы Ее, именуемой «Феодоровская»	12
Кондак 1	12
Икос 1	13
Кондак 2	14
Икос 2	15
Кондак 3	16
Икос 3	17
Кондак 4	18
Икос 4	19
Кондак 5	20
Икос 5	21
Кондак 6	22
Икос 6	23
Кондак 7	24
Икос 7	25
Кондак 8	26
Икос 8	27
Кондак 9	28
Икос 9	29
Кондак 10	30
Икос 10	31
Кондак 11	32
Икос 11	33
Кондак 12	34
Икос 12	35
Кондак 13	36
Икос 1	37
Кондак 1	38
Молитва	39
Акафист Пресвятой Богородице в честь иконы Ее, именуемой «Помощница в родах»	41
Кондак 1	41
Икос 1	42
Кондак 2	43
Икос 2	44
Кондак 3	45
Икос 3	46
Кондак 4	47
Икос 4	48
Кондак 5	49
Икос 5	50
Кондак 6	51
Икос 6	52
Кондак 7	53

Икос 7	54
Кондак 8	55
Икос 8	56
Кондак 9	57
Икос 9	58
Кондак 10	59
Икос 10	60
Кондак 11	61
Икос 11	62
Кондак 12	63
Икос 12	64
Кондак 13	65
Икос 1	66
Кондак 1	67
Молитва	68
Акафист Пресвятой Богородице в честь иконы Ее, именуемой «Млекопитательница»	71
Кондак 1	71
Икос 1	72
Кондак 2	73
Икос 2	74
Кондак 3	75
Икос 3	76
Кондак 4	77
Икос 4	78
Кондак 5	79
Икос 5	80
Кондак 6	81
Икос 6	82
Кондак 7	83
Икос 7	84
Кондак 8	85
Икос 8	86
Кондак 9	87
Икос 9	88
Кондак 10	89
Икос 10	90
Кондак 11	91
Икос 11	92
Кондак 12	93
Икос 12	94
Кондак 13	95
Икос 1	96
Кондак 1	97
Молитва	98
Акафист Пресвятой Богородице в честь иконы Ее, именуемой «Воспитание»	101
Кондак 1	101
Икос 1	102

Кондак 2	103
Икос 2	104
Кондак 3	105
Икос 3	106
Кондак 4	107
Икос 4	108
Кондак 5	109
Икос 5	110
Кондак 6	111
Икос 6	112
Кондак 7	113
Икос 7	114
Кондак 8	115
Икос 8	116
Кондак 9	117
Икос 9	118
Кондак 10	119
Икос 10	120
Кондак 11	121
Икос 11	122
Кондак 12	123
Икос 12	124
Кондак 13	125
Икос 1	126
Кондак 1	127
Молитва ко Господу	128
Молитва к Божией Матери	129
Акафист Пресвятой Богородице в честь иконы Ее, именуемой «Прибавление ума»[1]	131
Кондак 1	131
Икос 1	132
Кондак 2	133
Икос 2	134
Кондак 3	135
Икос 3	136
Кондак 4	137
Икос 4	138
Кондак 5	139
Икос 5	140
Кондак 6	141
Икос 6	142
Кондак 7	143
Икос 7	144
Кондак 8	145
Икос 8	146
Кондак 9	147
Икос 9	148
Кондак 10	149
Икос 10	150

Кондак 11	151
Икос 11	152
Кондак 12	153
Икос 12	154
Кондак 13	155
Икос 1	156
Кондак 1	157
Молитва	158
Акафист преподобному Сергию, игумену Радонежскому	160
Кондак 1	160
Икос 1	161
Кондак 2	162
Икос 2	163
Кондак 3	164
Икос 3	165
Кондак 4	166
Икос 4	167
Кондак 5	168
Икос 5	169
Кондак 6	170
Икос 6	171
Кондак 7	172
Икос 7	173
Кондак 8	174
Икос 8	175
Кондак 9	176
Икос 9	177
Кондак 10	178
Икос 10	179
Кондак 11	180
Икос 11	181
Кондак 12	182
Икос 12	183
Кондак 13	184
Икос 1	185
Кондак 1	186
Молитва	187
Акафист великомученику и целителю Пантелеймону	189
Кондак 1	189
Икос 1	190
Кондак 2	191
Икос 2	192
Кондак 3	193
Икос 3	194
Кондак 4	195
Икос 4	196
Кондак 5	197
Икос 5	198
Кондак 6	199

Икос 6	200
Кондак 7	201
Икос 7	202
Кондак 8	203
Икос 8	204
Кондак 9	205
Икос 9	206
Кондак 10	207
Икос 10	208
Кондак 11	209
Икос 11	210
Кондак 12	211
Икос 12	212
Кондак 13	213
Икос 1	214
Кондак 1	215
Молитва	216
Акафист святителю Николаю Чудотворцу	218
Кондак 1	218
Икос 1	219
Кондак 2	220
Икос 2	221
Кондак 3	222
Икос 3	223
Кондак 4	224
Икос 4	225
Кондак 5	226
Икос 5	227
Кондак 6	228
Икос 6	229
Кондак 7	230
Икос 7	231
Кондак 8	232
Икос 8	233
Кондак 9	234
Икос 9	235
Кондак 10	236
Икос 10	237
Кондак 11	238
Икос 11	239
Кондак 12	240
Икос 12	241
Кондак 13	242
Икос 1	243
Кондак 1	244
Молитва	245

# **Акафистник православной матери**

Допущено к публикации Издательским Советом Русской Православной Церкви № ИС Р14-411-1187

Исключительно для келейного пользования

© Людоговский Ф.Б., предисловие, 2014

© Издательство «ДАРЪ», 2014

## Предисловие

Акафист – жанр древний и одновременно очень молодой. Первый акафист был написан в Византии не позднее 626 г. (возможно, в VI в. или даже во второй половине V в.) и посвящен Богородице. Этот прекрасный гимн и сейчас можно увидеть почти в любом молитвослове. Позже были написаны и многие другие акафисты – Пресвятой Троице, Спасителю, Богородице, ангелам и святым. В наше время ежегодно появляются десятки новых акафистов на разных языках: церковнославянском, греческом, румынском, сербском, польском, украинском, французском и др. Едва ли не половина из существующих на сегодняшний день полутора тысяч акафистов были созданы в наши дни, в последние 25–30 лет.

Структура акафистов достаточно проста. Каждый текст состоит из 25 строф – *кондаков* и *икосов*. Кондаки (кроме первого) заканчиваются возвнанием *Аллилуия*. Икосы содержат *хайретизмы* – обращения к святому, к Богородице или Спасителю, как правило, начинающиеся со слова *Радуйся*. Завершаются икосы *рефреном* (припевом) – хайретизмом, который повторяется во всех икосах, а также в первом кондаке. В первом акафисте Богородице (его иногда называют Великим акафистом) рефрен звучит так: *Радуйся, Невесто Неневестная*. У каждого акафиста – свой рефрен. После икосов и кондаков следует молитва (или две-три молитвы).

Акафисты хороши тем, что их можно петь всем храмом (конечно, для этого у каждого человека должен быть перед глазами текст). Обычно священник читает кондак, а миряне поют *Аллилуия*; затем священник читает первую часть икоса, а миряне поют хайретизмы и рефрен. Таким образом прихожане оказываются вовлечены в богослужение, а не остаются, как это часто бывает, лишь зрителями и слушателями.

\* \* \*

В предлагаемом вашему вниманию сборнике содержится восемь акафистов: пять – Богородице в честь чудотворных икон и три – святым.

Феодоровская икона – древний костромской образ Богоматери – тесно связана с историей дома Романовых. Перед этой иконой также молятся о даровании детей. Акафист в честь Феодоровской иконы был написан священником Павлом Орловым и впервые напечатан в 1886 году.

Названия икон Богородицы «Помощница в родах», «Млекопитательница» и «Воспитание» говорят сами за себя.

Акафист в честь еще одного образа Божией Матери – «Прибавление ума» – был написан нашим современником Александром Аршаковичем Трофимовым.

Преподобному Сергию, игумену Радонежскому, многие дети и их родители молятся о даровании успехов в учебе. Как известно из жития святого, отрок Варфоломей никак не мог постичь грамоты, и он усердно молился Господу о помощи. Однажды ему встретился ангел в образе инока, который дал мальчику кусочек просфоры со словами: «С сего дня Господь дарует тебе знание грамоты». Вернувшись домой, Варфоломей обнаружил, что может легко и быстро читать Псалтирь. Помещенный в нашем сборнике акафист преподобному Сергию был написан, по всей видимости, иеромонахом Сильвестром (Медведевым) в 1689 году.

Великомученику Пантелеймону с древних времен молятся об исцелении от телесных и душевных болезней. Акафист великомученику был написан схимонахом Аркадием, насельником русского Пантелеймонова монастыря на Афоне, и одобрен Святейшим Синодом в 1860 году.

К святителю Николаю Чудотворцу христиане обращаются во всех своих нуждах, в том числе молятся и об устроении семейной жизни своих детей (история чудесной помощи, которую святитель оказал трем бедным девушкам и их отцу, изложена в 5-м икосе акафиста). Акафист святому относится к числу древнейших и изначально был написан на греческом языке.

*Священник Федор Людоговский*



*Икона Пресвятой Богородицы «Феодоровская»*

## **Акафист Пресвятой Богородице в честь иконы Ее, именуемой «Феодоровская»**

### **Кондак 1**

Взбранной Воеводе, Пренепорочней Деве Богородице, Заступнице нашей и представительству христиан непостыдному, явлением чудныя иконы Своея радование подавшей земле Российской и вся верная чада Церкви просветившей, благодарение усердно приносим Ти, Богородице, и припадающе пречудному образу Твоему, умильно глаголем: спаси, Госпоже, и помилуй рабы Твоя, зовущия:

**Радуйся, Мати Божия, Предстательнице и Заступнице наша усердная.**

## Икос 1

Ангел Гавриил от Бога послан бысть во град Назарет ко Пречистей Деве Марии, и вшед к Ней рече: «Радуйся, Благодатная, Господь с Тобою, благословенна Ты в женах!» Ангельскому гласу подражающе, и мы, грешни, радости благодарения в сердце своем исполнени, пред явленным образом Твоим благохваления наша возносити к Тебе дерзаем, Пресвятая Богородице:

Радуйся, отрасле от корене Давидова благословенная;  
радуйся, обетом родителей в жертву Богу принесенная.  
Радуйся, святых праведных Иоакима и Анны Дщи богоданная;  
радуйся, триех лет во храм Божий введенная и тамо воспитанная.  
Радуйся, тамо смирением и чистотою всех удивившая;  
радуйся, тамо ангельских беседы сподобльшаяся.  
Радуйся, Дево, о зачатии Бога Слова благовестие во смирении приемшая;  
радуйся, избранная Отроковище, к зачатию Бога Слова силою свыше осененная.  
Радуйся, тайну воплощения Сына Божия, от веков в Бозе сокровенную, открывшая;  
радуйся, Агнице, рождшая Агнца Христа, вземшаго грехи мира.  
Радуйся, Тобою бо избавляемся мук адовых;  
радуйся, Тобою бо сподобляемся вечных жизни.  
Радуйся, Мати Божия, Предстательнице и Заступнице наша усердная.

## **Кондак 2**

Видя икону Твою, Пресвятая Дево, на древе стоящу, князь благочестивый костромский ужасом многим содрогашеся, недоумея, что бысть видение сие. Хотящу же ему приятию и от сего свыше удержану ему бывшу, не можаше: уведев, яко чудно есть иконы тоя явление, воззва к Богу: Аллилуия.

## Икос 2

Разумом желая разумети князь благочестивый пришествие пречудного Твоего образа во град Кострому, Богородице, душею, радования преисполненною, себе предаде водительству Божию, и преклонъ колена, со страхом вопияше Тебе:

Радуйся, Дево, явльшая образ Свой чудно;  
радуйся, Благословенная, в явлении образа Своего милосердие нам являющая.  
Радуйся, о всех чтуших Сына Твоего промышляющая;  
радуйся, всем просящим у Тебе дары, в меру веры, ко спасению подающая.  
Радуйся, путь истины заблуждшим показующая;  
радуйся, к горнему миру чудесы Твоими ум наш возводящая.  
Радуйся, смущения помышлений сумнительных удаляющая;  
радуйся, славящих Тя всегда прославляющая.  
Радуйся, чистотою Твою чистоте нас научивающая;  
радуйся, чистотою Твою нечистоту нашу обличающая.  
Радуйся, моления наша приемлющая;  
радуйся, рыданий и слез не отметающая.  
Радуйся, Мати Божия, Предстательнице и Заступнице наша усердная.

## Кондак 3

Силу Божию благочестивый князь познав в восхождении образа чудного Твоего, Бого-  
мати, в явлении же видев милосердие Твое ко всем, спасение хотящим получити, рече: Алли-  
луя.

## Икос 3

Имев помысл стяжати даруемое небесное сокровище, лик Твой светлый, Богомати, второе простре державный руку к образу низшедшему: узрев же паки его восхождение, скоро пойде во град и поведа о бывших ему освященному собору, да пришедше и видяще иконы Твоего явление, возопиют с ним вернии:

Радуйся, Царице Небесе и земли;  
радуйся, Престоле Царя царствующих.  
Радуйся, Пренепорочная Дево;  
радуйся. Мати Неприступного Света.  
Радуйся, Честнейшая Херувим;  
радуйся, Славнейшая без сравнения Серафим.  
Радуйся, Небесными Силами величаемая;  
радуйся, от всех земнородных ублажаемая.  
Радуйся, неизреченное веселье Ангелов;  
радуйся венче царственный всех пророков и апостолов.  
Радуйся, православия Христовы Церкве ограждение;  
радуйся, всех суемудрых учений и ересей низложение.  
Радуйся, Мати Божия, Предстательнице и Заступнице наша усердная.

## **Кондак 4**

**Бурю внутрь имея помышлений недоуменных, освященный собор со псалмы и песнями духовными аbie притече видети образ Твой, Неискусобрачная. Узрев же его на древе дивно стояща и благолепно красотою сияюща, рече: Аллилуия.**

## Икос 4

Слышаша людие честныя иконы Твоей, Богоотроковице, пришествие, и ко оной текше покланяхуся, аки Самей Тебе сущей, и со умилением и слезами вопияху к Тебе:

Радуйся, Дево, благословенная в женах, во чреве Твоем Носителя всяческих носившая; радуйся, рождением Сына Твоего спасение миру всему явльшая.

Радуйся, люди с Богом соединившая;

радуйся, Превывшая Небес, избавльшая нас от клятвы.

Радуйся, нас к вечнай жизни руководящая;

радуйся, Владычице мира.

Радуйся, Божие к смертным благоволение;

радуйся, смертных к Богу дерзновение.

Радуйся, благих во благости соблюдающая;

радуйся, лукавых на путь благий обращающая.

Радуйся, под сенью крова Твоего прибегающих милующая;

радуйся, уповающим на Тя вся потребная к животу и благочестию дарующая.

Радуйся, Мати Божия, Предстательнице и Заступнице наша усердная.

## Кондак 5

Яко боготечную звезду узрела людие икону Твою, безневестная Дево, и яко многосветлый светильник поставиша ю во святым соборнем храме, радующеся и вопиюще Богу: Аллилуйя.

## Икос 5

Видевше жителие града Городца образ Твой, Владычице, во храме града Костромы стоящий, и на руку Твою держима Богомладенца Иисуса, скорбию одержими беша: зане отществие его бысть из града их. Жители же костромстии, обрадованнии благоволением Твоим к граду своему, приносят Ти дары, и с любовию лобызающе Твой святый образ, вопиют Ти:

Радуйся, Звездо Правды нам явльшая;  
радуйся, возлюбившая сию страну.  
Радуйся, обретение Тебе ищущих;  
радуйся, радостию неизреченою верных сердца исполняющая.  
Радуйся, сокровище благодати неистощимое;  
радуйся, милости приснотекущий источниче.  
Радуйся, от тяжких бед спасающая;  
радуйся, от смертоносныя язвы избавляющая.  
Радуйся, всего мира Ходатаице;  
радуйся, всех недугующих Целительнице.  
Радуйся, красото несравненная;  
радуйся, доброто несказанная.  
Радуйся, Мати Божия, Предстательнице и Заступнице наша усердная.

## **Кондак 6**

**Проповедницы богоноснин быша видевшии образ Твой, Богородице. Возвращаясь бо кийждо во страну свою, возвещаше о пришествии его и чудесех от него бываемых, воспевая Богу: Аллилуйя.**

## Икос 6

Возсиявши благодать от чудного образа Твоего, Чистая, веру немощущих утверди, верных же возвесели сердца любовию. Сего ради радующеся вопием Ти:

Радуйся, Пресвятая Дево, светом небесныя истины нас озаряющая;  
радуйся, мглу греховную от нас отгоняющая.  
Радуйся, чудесы Твоими к богочествию нас приводящая;  
радуйся, всех кающихся грешник ко благочестию подвзывающая.  
Радуйся, всех притекающих к Тебе крепкое заступление;  
радуйся, немощущих умом утверждение.  
Радуйся, изнемогающих в вере возставляющая;  
радуйся, тихое пристанище в море житейstem обуреваемым.  
Радуйся, злые советы сынов погибельных открывающая;  
радуйся, вознесенную гордыню врагов отечества нашего смиряющая.  
Радуйся, православных царей Державо;  
радуйся, всех христиан Похвало.  
Радуйся, Мати Божия, Предстательнице и Заступнице наша усердная.

## **Кондак 7**

**Хотя прославити Сын Твой, Богородице, святую икону Твою во граде Костроме, повелею в день Успения Твоего святому великомученику Феодору Стратилату носити по граду сему, да вси видяще чудо сие, благодарным сердцем возопиют Ему: Аллилуя.**

## Икос 7

Чудо новое яви нам Господь мольбами Твоими, Богородице, егда сгоревшу храму, в немже бе поставлен святый образ Твой, сохрани его в пепеле невредимым от огня, и тако мневших сгоревша его печаль в радость преложи. Мы же, чудо сие ведяще, воспеваем Ти таковая:

Радуйся, Купино Неопалимая;

радуйся, огненный Столпе, сущия во тьме наставляй.

Радуйся, Животе, Духом позлащенный, невместимаго Бога вместивший;

радуйся, кадильнице златая, яко фимиам благоуханный, молитвы Твоя за ны к Богу Сыну присно возносящая.

Радуйся, Жезле Ааронов к явлению в мир Сына Твоего прозябший;

радуйся, Руно Гедеоново, благодатию Божию во спасение наше орошенное.

Радуйся, Горо несекомая, от Неяже отсечеся краеугольный Камень Христос;

радуйся, Храме одушевленный, в немже вселися Божество телесне.

Радуйся, девства охранение;

радуйся, супружества благословение.

Радуйся, паче всех Господа возлюбившая;

радуйся, паче всех от Него превознесенная.

Радуйся, Мати Божия, Предстательнице и Заступнице наша усердная.

## **Кондак 8**

Странное чудо видевше, на воздухе икону Богоматере стоящу, аки руками ангельскими держиму, егда второе сгоре храм, в немже стояще явленная сия икона, отвержемся, людие, мира сего, ум на Небеса преложше: сего бо ради и дадеся нам чудная икона Богородицы, да взирающе на ню, горняя мудрствуем, а не земная, вопиюще к Богу: Аллилуия.

## Икос 8

**В** выших пребывающи селениих, и нижних не разлучилася еси, Богородице, чудесы Твоими всех просвещающи приходящих к Тебе верою: сего ради и слышиши от нас сия:

Радуйся, Мати Христа Бога нашего, на Небеси пребывающая;  
радуйся, на земли нас не оставляющая.

Радуйся, ради величества Твоего на Небеси Ангелы окруженнная;  
радуйся, ради славы Твоей на земли от человек прославляемая.

Радуйся, Тебе бо служат вся Небесныя Силы;  
радуйся, Тебе бо, по Бозе, хваление возносят Херувими и Серафими.  
Радуйся, лице Божие выну на Небеси созерцающая;  
радуйся, пред престолом Сына Твоего матерния руце Твои, за ны молящися, простирающая.

Радуйся, нас сущих на земли от всякого зла омофором Твоим покрывающая;  
радуйся, верных от всяких душепагубных дел удаляющая.

Радуйся, рождением Сына Божия двери Царства Христова нам отверзшая;  
радуйся, надеждою приятия небесных благ верных души услаждающая.

Радуйся, Мати Божия, Предстательнице и Заступнице наша усердная.

## **Кондак 9**

**Всякое естество ангельское превозносит Тя, Дево, великия ради любве Твоей к роду христианскому: незрима бо и неприступна, яко Мати Бога от земли к Небеси возшедшая, Пречистым Твоим образом зrimу и приступну Себе являеши всем воспевающим Сыну Твоему: Аллилуия.**

## Икос 9

Ветия многовещанныя, яко рыбы безгласны, зrim о Тебе, Богородице: недоумевают бо глаголати о славных чудесех, от явления Твоего иконы бываемых. Мы же, онем дивящеся, благодарно вопием Ти:

Радуйся, слепых прозрение;  
радуйся, хромых хождение.  
Радуйся, от темных и лукавых духов исцеляющая;  
радуйся, лучами, от Твоего Пречистаго образа изшедшими, врагов земли нашея отгнав-  
шая.  
Радуйся, больным видение Твое даровавшая;  
радуйся, молящимся явленней иконе Твоей исцеление подающая.  
Радуйся, расслабленных от одра болезни воздвигающая;  
радуйся, немым разрешающая уста.  
Радуйся, от плена вражия возвращающая;  
радуйся, лютия плоти страсти утоляющая.  
Радуйся, души верных неизреченным милосердием Твоим умиляющая;  
радуйся, неизглаголанным Твоим человеколюбием унывающих ободряющая.  
Радуйся, Мати Божия, Предстательнице и Заступнице наша усердная.

## Кондак 10

Соблюсти хотящи в чистоте домостроительство Церкве Православныя, Чистая, и утвердити скипетр державы Российсия чудною иконою твою, вложила еси в сердце благоверного государя Михаила Феодоровича прияти венец царский земли Российсия, да вси видящии видят, яко Вышний владеет царством, и ему же хощет дает е, и возопиют Ему: Аллилуйя.

## Икос 10

Стена еси необоримая, Богородице Дево, всем к Тебе прибегающим: никтоже бо притекаий к Тебе тощ отходит. Сего ради ущедряеми милостию Твою, во умилении души возглашаем Тебе:

Радуйся, твердая стено, от враг видимых и невидимых охраняющая;  
радуйся, крепкая защito упование на тя возложившим.

Радуйся, познания истины чистое зерцало;  
радуйся, сохранения веры крепкое забрало.

Радуйся, грады и страны христианския предстательством Твоим от врагов спасающая;  
радуйся, царем благоверным поборающая.

Радуйся, мир в градех селящая;  
радуйся, благонравным благопоспешающая.

Радуйся, силою молитв Твоих злые помыслы в ничтоже обращающая;  
радуйся, силы врагов ближняго сокрушающая.

Радуйся, юности наставление;  
радуйся, старости поддержание.

Радуйся, Мати Божия, Предстательнице и Заступнице наша усердная.

## **Кондак 11**

**Пение всякое побеждается, спростретися тщащееся множеству многих щедрот Твоих: равночисленныя бо песку морскому песни аще приносим Ти, Богородице Дево, ничтоже совершаем достойно, яже даровала еси нам вопиющим к Богу: Аллилуия.**

## Икос 11

Светоприемную свещу, древле явльшуюся, зrim во святей иконе Твоей, Богородице Дево, егда град Кострому защитила еси от разорения врагов земли нашея лучами, от святыя твоя иконы исходящими. Сего ради с верою припадающе к ней и с любовию лобызающе ю, вопием Ти:

Радуйся, Мати, Превечнаго Света Христа, учением Его души просвещающая;  
радуйся, благодатию Божию неверующих к вере в Бога приводящая.

Радуйся, путешествующим спутешествующая;  
радуйся, нуждно плавающих Кормчая.

Радуйся, от всякия скорби, гнева и нужды спасающая;  
радуйся, от глада, губительства, труса и огняохраняющая.

Радуйся, избавляющая от иноплеменных;  
радуйся, охраняющая от междуусобных браны.

Радуйся, в святей иконе Твоей яко солнце в Костромских пределах возсиявшая;  
радуйся, зде отрасль царственную возвеличившая.

Радуйся, Тобою бо утверждаются царства;  
радуйся, Тобою бо венчаются царие.

Радуйся, Мати Божия, Предстательнице и Заступнице наша усердная.

## Кондак 12

Благодать приемшая от Бога Сына Твоего, Дево Богородице, и ту древле излиявшая на всех прибегающих к образу Твоему, не лиши ныне и нас богатыя Твоей милости, даруй нам покаяние во грешех, да чистым сердцем и устны взываем к возлюбленному Сыну Твоему и Богу нашему: Аллилуия.

## Икос 12

Поюще Твоя милости и чудеса, хвалим Тя вси, Богородице, и, яко древний Израиль к Кивоту Завета, притекаем ко образу лица Твоего, и из глубины души вопием: воздвигни руце Твоя к Сыну Твоему, да подаст нам вся благая и спасительная с верою и любовию вопиющим Ти:

Радуйся, утешение наше в скорбех;  
радуйся, утление печалей наших.  
Радуйся, радосте наша бесконечная;  
радуйся, светлости и отрадо сердечная.  
Радуйся, надеждо наша крепкая;  
радуйся, сирым приятелище.  
Радуйся, странным прибежище;  
радуйся, обидимым покровительнице.  
Радуйся, оклеветаемых оправдание;  
радуйся, благих защищение.  
Радуйся, тела моего врачевание;  
радуйся, души моего спасение.  
Радуйся, Мати Божия, Предстательнице и Заступнице наша усердная.

## Кондак 13

**О** премилосердая Заступнице наша, великия ради милости Твоей даровавшая отечеству и граду нашему чудотворную икону Твою во освящение, утешение и ограждение наше, нынешнее приемши славословие, от всякаго злого обстояния избави нас, рабы Твоя, даря нам здравие и спасение, на враги победу и одоление, и всех нас вечных мук свободи, устнами, душою же и сердцем вопиющих: Аллилуия.

*Этот кондак читается трижды, и снова 1й икос и 1й кондак:*

## Икос 1

Ангел Гавриил от Бога послан бысть во град Назарет ко Пречистей Деве Марии, и вшед к Ней рече: «Радуйся, Благодатная, Господь с Тобою, благословенна Ты в женах!» Ангельскому гласу подражающе, и мы, грешни, радости благодарения в сердце своем исполнени, пред явленным образом Твоим благохваления наша возносити к Тебе дерзаем, Пресвятая Богородице:

Радуйся, отрасле от корене Давидова благословенная;  
радуйся, обетом родителей в жертву Богу принесенная.  
Радуйся, святых праведных Иоакима и Анны Дщи богоданная;  
радуйся, триех лет во храм Божий введенная и тамо воспитанная.  
Радуйся, тамо смирением и чистотою всех удивившая;  
радуйся, тамо ангельских беседы сподобльшаяся.  
Радуйся, Дево, о зачатии Бога Слова благовестие во смирении приемшая;  
радуйся, избранная Отроковище, к зачатию Бога Слова силою свыше осененная.  
Радуйся, тайну воплощения Сына Божия, от веков в Бозе сокровенную, открывшая;  
радуйся, Агнице, рождшая Агнца Христа, вземшаго грехи мира.  
Радуйся, Тобою бо избавляемся мук адовых;  
радуйся, Тобою бо сподобляемся вечных жизни.  
Радуйся, Мати Божия, Предстательнице и Заступнице наша усердная.

## Кондак 1

Взранной Воеводе, Пренепорочней Деве Богородице, Заступнице нашей и представительству христиан непостыдному, явлением чудныя иконы Своея радование подавшей земле Российской и вся верная чада Церкви просветившей, благодарение усердно приносим Ти, Богородице, и припадающе пречудному образу Твоему, умильно глаголем: спаси, Госпоже, и помилуй рабы Твоя, зовущия:

Радуйся, Мати Божия, Предстательнице и Заступнице наша усердная.

## Молитва

О Пресвятая Владычице Богородице и Приснодево Марие, единая надеждо нам грешным! К Тебе прибегаем и Тебе молим, яко велие имаши дерзновение пред рождшимся от Тебе по плоти Господем Богом и Спасителем нашим Иисусом Христом. Не презри слез наших, не возгнушайся воздыханий наших, не отрини скорби нашея, не посрами упования нашего на Тя, но Матерними молениями Твоими умоли Господа Бога, да сподобит нас грешных и недостойных свободитися от грехов и страстей душевных и телесных, умрети миру и жити Ему единому по вся дни живота нашего. О Пресвятая Владычице Богородице, путешествующим спутешествуй и ограждай и охраняй оныя, избави плененных от пленения, свободи страждущих от бед, утеши сущих в печали, скорбех и напастех, облегчи нищету и всяко злострадание телесное, и даруй всем вся потребная к животу, благочестию и жизни временней. Спаси, Владычице, вся страны и грады и сию страну и сей град, имже сия чудотворная и святая икона Твоя дадеся во утешение и ограждение; избави я от глада, губительства, труса, потопа, огня, меча, нашествия иноплеменных, междуусобных брани, и отврати всякий гнев, на ны праведно движимый. Даруй нам время на покаяние и обращение, избави нас от внезапных смерти, и во время исхода нашего предстани нам явльшися, Дево Богородице, и избави нас от воздушных мытарств, князей века сего, сподоби на Страшнем Судищи Христовем стати одесную, и соделай нас наследники вечных благ, да славим во веки великолепное имя Сына Твоего и Бога нашего со Безначальным Его Отцем и Святым и Благим и Животворящим Его Духом, ныне и присно и во веки веков. Аминь.

Текст акафиста приводится по следующему изданию: «Радуйся, Невесто Неневестная!»: 60 акафистов Божией Матери и Ее чтимым иконам. – Свято-Троицкая Сергиева Лавра, 2000. – С. 574–583. – По благословению святейшего Патриарха Московского и всея Руси Алексия II.



*Икона Пресвятой Богородицы «Помощница в родах»*

## **Акафист Пресвятой Богородице в честь иконы Ее, именуемой «Помощница в родах»**

### **Кондак 1**

Избранней от всех родов Предстательнице рода христианского, благодарственная пения приносим Ти, Богородице, о даровании чудныя иконы Твоей. Ты же, яко скорая и всемилостивая верных Заступница, не остави нас в скорбех, да зовем Ти:

Радуйся, Благодатная Помощница в родах, на помощь к нам ускоряющая.

## Икос 1

Ангел предстатель послан бысть рещи Богородице: «Радуйся!», егда Бог Слово воплоща-  
шеся во утробе Ея; и мы, грешни, дивящеся явлению чудныя Ея иконы, с верою и надеждою  
вопием:

Радуйся, Дево, христиан похвало;  
радуйся, яко Тя блажат вси роди.  
Радуйся, скорби земныя со смирением претерпевшая;  
радуйся, материнскую любовь нам являющая.  
Радуйся, болезни рождения в радость претворяющая;  
радуйся, Твою любовию нас на Небеса возводящая.  
Радуйся, чудным рождением Твоим праведных родителей Своих возвеселившая;  
радуйся, сим весь мир радости исполнившая.  
Радуйся, Благодатная Помощнице в родах, на помошь к нам ускоряющая.

## **Кондак 2**

**Видящи, Всенепорочная, во славе Сына Своего пребывающая, яко скорби и уныния в сердцах людей умножиша, благоволила еси явити икону Твою, чудесы ю прославляющи, да покрываеми Твою любовию, с надеждою вопием Богу: Аллилуя.**

## Икос 2

Жизнодателя рождшая, Пресвятая Богородице, благодатное попечение о женах, родити имущих, прияла еси, да познаем, что есть воля Божия о нас благая и совершенная. Мы же, дивящеся свыше данному нам благодатному укреплению, со слезами радости вопием Ти:

Радуйся, вразумлением Твоим от грехов нас отвращающая;  
радуйся, славою чудес Твоих верных разум озаряющая.  
Радуйся, сердца наша любовию Твою умягчающая;  
радуйся, молитвами Твоими милосердие Сына Твоего к нам приклоняющая.  
Радуйся, скорби наша утоляющая;  
радуйся, жен христианских в родах не оставляющая.  
Радуйся, и в духовнем рождении всех благословляющая;  
радуйся, светом Сына Твоего всех просвещающая.  
Радуйся, Благодатная Помощнице в родах, на помощь к нам ускоряющая.

## **Кондак 3**

Силу сугубыя благодати явила еси, Владычице, чудотворному образу Твоему «Помощница в родах» именуемому, да вси, чада родити имущии, под осенение Твоей иконы с молитвою прибегают, Богу же вопиют: Аллилуйя.

## Икос 3

Имуще Тя, Заступнице усердная рода христианского, яко Матерь о чадех Своих пекущаяся, с верою и любовию к Тебе притекаем и молитвы наша пред иконою Твою возносяще, вопием Ти сице:

Радуйся, явлением образа Твоего мглу лютых обстояний отгоняющая;  
радуйся, православные люди иконою Твою утешающая.  
Радуйся, болезни родити имущих облегчающая;  
радуйся, любовь Твою всегда нам источающая.  
Радуйся, в скорбех нас не оставляющая;  
радуйся, любящим Сына Твоего молитвенное попечение дарующая.  
Радуйся, на путь спасения наставляющая;  
радуйся, злые страсти наша укрощающая.  
Радуйся, Благодатная Помощница в родах, на помощь к нам ускоряющая.

## Кондак 4

Бури житейских избегающе, в тихое пристанище под осенение Твоей иконы верни при-  
текают, наипаче же жены, родити чада имущия, мольбы своя пред тою возносят, Богу же, вся  
во благо устрояющему, зовут: Аллилуя.

## Икос 4

Слышавше православнии людие о чудесех, от иконы Твоей «Помощница в родах» быва-  
емых, возрадовашася зело, и всю надежду на Тя возлагающе, вопияху таковая:

Радуйся, семейства благочестивая благословляющая;  
радуйся, миром и любовию сия ограждающая.  
Радуйся, чад наших назирающая;  
радуйся, благодатным Твоим покровом младенцев осеняющая.  
Радуйся, юность нашу светом истины просвещивающая;  
радуйся, ум наш в горняя возносящая.  
Радуйся, целомудрия Наставнице;  
радуйся, чистоты Хранительнице.  
Радуйся, Благодатная Помощница в родах, на помошь к нам ускоряющая.

## **Кондак 5**

Боготечная звезда явися икона Твоя, Богомати Пречистая, сущих в болезнях и скорбех радостию осиявающи, заблуждающих же на путь делания заповедей Сына Твоего и Бога наставляющи, Ему же благодарне вопием: Аллилуия.

## Икос 5

Видевше токи чудес, от святыя иконы Твоей «Помощница в родах» источаемыя, вси вернини людие стекахуся к ней на поклонение. Ты же, Мати Божия, всем дары милости Твоей неоскудно подаеши от чудотворнаго Твоего образа, подвзывающи вопити Тебе сице:

Радуйся, Мати милосердия и щедрот;  
радуйся, Безплотнаго воплотившая.  
Радуйся, Бога с человеки соединившая;  
радуйся, верных Господеви сочетавшая.  
Радуйся, несомненною надеждою сердца наша исполняющая;  
радуйся, хладность душевную благодатию согревающая.  
Радуйся, добродетелей стяжение;  
радуйся, Божие к немощным благоволение.  
Радуйся, Благодатная Помощнице в родах, на помощь к нам ускоряющая.

## **Кондак 6**

**Проповедающе чудеса Твоя, Богородительнице, от иконы Твоей «Помощница в родах»  
бываемая, молим Тя, Пречистая: избави вся жены, чревоносящия чада своя, от тяжкаго рож-  
дения, подвизающи их же и нас воспевати Богу: Аллилуя.**

## Икос 6

Возсия, Пречистая Богородице, чудная икона Твоя «Помощница в родах» родителем на утешение и всем нам на помошь и спасение. Сего ради, взирающе на ню, мольбы своя Тебе приносим, благодарно зовуще:

Радуйся, от внезапных смерти всех избавляющая;  
радуйся, мрачных духов далече от нас отгоняющая.  
Радуйся, отступления наша любовию Твою покрывающая;  
радуйся, к долготерпению в скорбех и недузех нас призывающая.  
Радуйся, истинно молитися нас научивающая;  
радуйся, вся благая прошения наша исполняющая.  
Радуйся, благодарственные дары не отвергающая;  
радуйся, сердца благочестивых людей возвеселяющая.  
Радуйся, Благодатная Помощнице в родах, на помошь к нам ускоряющая.

## Кондак 7

Хотяй всем человеком спастися, Премилосердный Господь усынови нас Матери Своей: да будет печальным утешительницею, болящим целительницею, заблуждшим наставницею, да всех из глубины греховныя изведет, вопиющих: Аллилуия.

## Икос 7

Дивна показал еси дела Твоя в Пречистей Матери Твоей, Господи, и дивну даровал еси нам Ея икону, да вси взираюши на сию, песненно превозносят Честнейшую Херувим и Славнейшую Серафим пении сими:

Радуйся, неприступного Божества селение;  
радуйся, ангельское непрестанное удивление.  
Радуйся, Божия милости и любве исполнение;  
радуйся, Подательнице спасительного в родах вспоможения.  
Радуйся, правды святыя Попечительнице;  
радуйся, наша пред Сыном Твоим Споручнице.  
Радуйся, неизменная наша Надеждо;  
радуйся, тихое и доброе пристанище.  
Радуйся, Благодатная Помощнице в родах, на помощь к нам ускоряющая.

## **Кондак 8**

Странно и сумнительно неверующим слышати, како образ Твой святый, Богомати Пречистая, токи благодати источает. Мы же, о всех благодеяниях Твоих, от иконы Твоей бывающих, добре ведуще, благодарно вопием Богу: Аллилуя.

## Икос 8

Все упование свое жены, родити чада имущия, на Тя, Владычице, возлагают. Приклонися убо к немощем человеческим – кто бо нас от рова погибели изведет, аще не Ты, о Богомати? Сего ради пред Твоим пречистым образом вопием Ти тако:

Радуйся, отчаянных надеждо;  
радуйся, скорбящих утешение.  
Радуйся, обуреваемых пристанище;  
радуйся, болящих исцеление.  
Радуйся, немощных подкрепление;  
радуйся, унывающих ободрение.  
Радуйся, вдов заступление;  
радуйся, сирых призрение.  
Радуйся, Благодатная Помощница в родах, на помощь к нам ускоряющая.

## **Кондак 9**

**Всякаго естества ангельского превысшая явилася еси, Пресвятая Дево: Бога бо зачала еси плотию, Невместимаго всеми вместила еси во утробе Твоей; темже, яко Матерь Божию величающе Тя, вопием о Тебе Создателю нашему: Аллилуия.**

## Икос 9

Ветии человечесстии недоумеют восхвалити по достоянию славное, Владычице, иконы Твоей явление, ниже мы, грешнii, от скверных устен наших возможем принести достойное похваление Тебе, Заступнице нашей. Обаче, неисчислена чудеса, иконою Твою являемая, видевше, радующеся вопием Ти:

Радуйся, благочестия Наставнице;  
радуйся, в добрых делах Помощнице.  
Радуйся, добрыя обеты приемлющая;  
радуйся, благим намерениям способствующая.  
Радуйся, злая начинания разрушающая;  
радуйся, вражия козни расторгающая.  
Радуйся, всему благому вход отверзающая;  
радуйся, чадородие благословляющая.  
Радуйся, Благодатная Помощнице в родах, на помошь к нам ускоряющая.

## Кондак 10

Спасти хотящи многия жены, чада раждающие, от обдержащих их болезней и напастей, чудную икону Твою, Богомати, даровала еси, еяже ради козни диавольских разрушаются, смертоносныя болезни отступают, недузы ослабеваают, да вси, видяще являемую Тобою милость, вопиют со умилением Богу: Аллилуйя.

## Икос 10

Стена еси и прибежище, Богомати, людем страждущим и всем усердно к Тебе прибегающим. Сего ради от лет древних вси скорбящии и обремененнии, всю надежду на Тя возлагающе, к помощи Твоей притекают, пред честною иконою вопиюще Тебе сице:

Радуйся, прославляющих Тя от бед избавляющая;  
радуйся, не чтуших Тя посрамляющая.  
Радуйся, чудесы Твоими всех просвешающая;  
радуйся, моления наша во благо исполняющая.  
Радуйся, яко невидимых врагов от нас отгоняеши;  
радуйся, яко от видимых врагов нас избавляеши.  
Радуйся, ищущих Твоего предстательства спасающая;  
радуйся, матери и чада сугубою любовию Твою покрывающая.  
Радуйся, Благодатная Помощница в родах, на помощь к нам ускоряющая.

## Кондак 11

Пение всеумиленное приими от нас, Небесная Царице, и молитву, приносимую Тебе, услыши: к Тебе бо в напастех и скорбех прибегаем и пред Тобою в бедах наших слезы проливаем и молим: помози нам, и приими сию жертву Твоих рабов, зовущих: Аллилуя.

## Икос 11

Светоприемная свеща истиннаго Света сущим нам на земли явльшия, Богородительнице, души просвещаеши чтущих Твою иконы явление, в вере наставляеши, и младенцев во утробах матерей охраняеши, и молишися о всех поющих Ти сицевая:

Радуйся, ненадеющихся несомненною надеждою возвеселяющая;  
радуйся, свеще, у престола Божия присно горящая.  
Радуйся, лампадо, елеем Божественным светящая;  
радуйся, вход в Царство Небесное нам, грешным, отверзающая.  
Радуйся, свете лучезарный, пути жизни нам указующий;  
радуйся, храме одушевленный, всех нас освящающий.  
Радуйся, любовию Твою всех объемлющая;  
радуйся, покровом Твоим всех покрывающая.  
Радуйся, Благодатная Помощница в родах, на помощь к нам ускоряющая.

## Кондак 12

Благодать Божия, присущая святей иконе Твоей, «Помощница в родах» именуемой, Богомати Владычице, влечет к ней всех, помощи Твоем просяющих, и не тщи отходят они от сего источника многообразных Твоих милостей и щедрот, но вся душам и телесем благопотребная неоскудно получают, аще по Бозе все упование на Тя возложат, поюще: Аллилуия.

## Икос 12

Поюще Твоя чудеса, бывшая в древняя и настоящая времена, хвалим Тя, Богородице, яко твердую Предстательницу нашу: веруем бо, яко испросиши у Сына Твоего благая вечная и временная всем с любовию вопиющим Тебе сице:

Радуйся, скорбящих Радосте;  
радуйся, погибших Взыскание.  
Радуйся, Всеблагая Скоропослушнице;  
радуйся, грешных Споручнице.  
Радуйся, Неопалимая Купино;  
радуйся, Нерушимая Стено.  
Радуйся, Живоносный Источниче;  
радуйся, Цвете Неувядаемый.  
Радуйся, Благодатная Помощнице в родах, на помошь к нам ускоряющая.

## Кондак 13

**О** Всепетая Мати, Помощнице в родах, рождшая всех святых Святейшее Слово! Нынешнее наше приемши приношение, от всякия избави напасти всех, и будущия изми муки о Тебе вопиющих: **Аллилуия.**

*Этот кондак читается трижды, и снова 1-й икос и 1-й кондак:*

## Икос 1

Ангел предстатель послан бысть рещи Богородице: «Радуйся!», егда Бог Слово воплоща-  
шеся во утробе Ея; и мы, грешни, дивящеся явлению чудныя Ея иконы, с верою и надеждою  
вопием:

Радуйся, Дево, христиан похвало;  
радуйся, яко Тя блажат вси роди.  
Радуйся, скорби земныя со смирением претерпевшая;  
радуйся, материнскую любовь нам являющая.  
Радуйся, болезни рождения в радость претворяющая;  
радуйся, Твою любовию нас на Небеса возводящая.  
Радуйся, чудным рождением Твоим праведных родителей Своих возвеселившая;  
радуйся, сим весь мир радости исполнившая.  
Радуйся, Благодатная Помощнице в родах, на помошь к нам ускоряющая.

## Кондак 1

Избранней от всех родов Предстательнице рода христианского, благодарственная пения приносим Ти, Богородице, о даровании чудныя иконы Твоей. Ты же, яко скорая и всемилостивая верных Заступница, не остави нас в скорбех, да зовем Ти:

Радуйся, Благодатная Помощнице в родах, на помощь к нам ускоряющая.

## Молитва

Приими, Госпоже Богородительнице, слезная моления рабов Твоих, к Тебе притекающих. Зрим Тя на святей иконе во чреве носящую Сына Твоего и Бога нашего, Господа Иисуса Христа: аще и безболезненно родила еси Его, обаче матерния скорби веси и немоющи сынов и дщерей человеческих зриши. Темже тепле припадающе к цельбоносному образу Твоему, и умиленно сей лобызающе, молим Тя, Всемилостивая Владычице: нас, грешных, осужденных в болезнях родити и в печалех питати чада наша, милостивно пощади и сострадательно заступи, младенцы же наша, такожде и родившия их, от тяжкаго недуга и горькия скорби избави. Даруй им здравие и благопомощие, да и питаемии от силы в силу возрастати будут, и питающая их исполняться радостию и утешением, яко да и ныне предстательством Твоим из уст младенец и ссущих Господь совершил хвалу Свою. О Мати Сына Божия! Умилосердися на матери сынов человеческих и на немощных людя Твоя: постигающая нас болезни скоро исцели, належащия на нас скорби и печали утоли, и не презри слез и вздоханий рабов Твоих. Услыши нас в день скорби, пред иконою Твою припадающих, и в день радости и избавления приими благодарная хваления сердец наших. Вознеси мольбы наша ко Престолу Сына Твоего и Бога нашего, да милостив будет ко грехом и немощем нашим и пробавит милость Свою ведущим имя Его, яко да и мы, и чада наша, прославим Тя, милосердную Заступницу и верную Надежду рода нашего, во веки веков. Аминь.

Текст акафиста приводится по следующему изданию: Акафист Пресвятой Богородице в честь иконы Ея «Помощница в родах». – Херсон, 2011. – По благословению архиепископа Херсонского и Таврического Иоанна. Акафист на момент издания не имеет общецерковного утверждения.



*Икона Пресвятой Богородицы «Помощница в родах»*



Икона Пресвятой Богородицы «Млекопитательница»

## **Акафист Пресвятой Богородице в честь иконы Ее, именуемой «Млекопитательница»**

### **Кондак 1**

Избранней от дщерей человеческих Материю быти Христа Бога нашего принесем от любви нашея песни хвалебныя; Ты же, Сына Божия неизреченно родившая и яко Младенца млеком питавшая, сохрани нас, поющих Тя, от обышедших нас зол, скорбей и напастей, да зовем Ти немолчно:

**Радуйся, Богородице Дево Млекопитательнице, милостию Твою нас присно питающая.**

## Икос 1

Ангелов лица в вертеп приникнувше и узревше тамо Деву чистую, Сына млеком питавшую, возопиша Тебе, Благословенней:

Радуйся, рождшая мира Творца;

радуйся, питающая Питателя вселенныя.

Радуйся, пеленами повивающая Повивающего небо облаки;

радуйся, дланьми носящая на Херувимех носимаго.

Радуйся, яко Детищ мал Тобою родися;

радуйся, яко Младенец плачущ и мирови радость даяй Тобою в мир прииде.

Радуйся, Богородице Дево, Млекопитательнице, милостию Твою нас присно питающая.

## **Кондак 2**

**Видящи Святая Дева при персех Своих Богомладенца лежаща, глагола Ему: како возмогу  
Тя питати, Творца Моего, Ему же вся воинства небесная вопиют: Аллилуия.**

## Икос 2

Разумная вся тварь недоразумевает, како и Дева пребываеши, и Младенца млеком питавши. Обаче, неизреченному таинству сему верующе, благоговейно взываем:

Радуйся, Дево неблазная;  
радуйся, Девице прекрасная.  
Радуйся, жен украшение;  
радуйся, Мати чистая.  
Радуйся, дев правило;  
радуйся, Благословенная в женах.  
Радуйся, Богородице Дево, Млекопитательнице, милостию Твою нас присно питающая.

## **Кондак 3**

Сила Вышняго осени Тя, Богородице Дево, и подаде Ти крепость повити и питати, Егоже  
вси концы земли величают и поют Ему песнь великую: Аллилуйя.

## Икос 3

Имущи дерзновение велие к Рожденному от Тебе, призри на скорби и беды, нас обышедшия, умоли Питаемаго Тобою за ны грешныя и недостойныя, да избавльшеся от лютых напастей, возглаголем Ти тако:

Радуйся, рождшая сладчайшее Утешение наше;  
радуйся, произрастившая Благословенного благодатию.  
Радуйся, Мати наша всеблагая;  
радуйся, чадами Твоими нас нарекшая.  
Радуйся, благонадежное наше прибежище;  
радуйся верных небурное пристанище.  
Радуйся, Богородице Дево, Млекопитательнице, милостию Твою нас присно питающая.

## **Кондак 4**

**Буря скорбей и напастей обдергит ны, трепещем, да не потонем в мори житейstem, но явися нам, яко голубица Ноева, ветвь надежды подающи нам, вопиющим Богу: Аллилуия.**

## Икос 4

Слышащи жена благоразумная глаголы живота вечнаго, Сыном Твоим вещаемыя, прослави Тя, вопиющи Ему: «Благословенно чрево, носившее Тя, и сосца, питавшая Тя»; темже приими и наша немощныя похвалы сицевыя:

Радуйся, бисерे драгий, всечудная Мати;  
радуйся, велия в женах.

Радуйся, ветвь присноцветущая;  
радуйся, животе, приемляй Сокровище освящения.

Радуйся, чаше златая, Христа, небесную Манну, носящая;  
радуйся, Хлебом Жизни нас возраждающая.

Радуйся, Богородице Дево, Млекопитательнице, милостию Твою нас присно питающая.

## Кондак 5

Богоносныя руце Твоя, Всепетая, простри к нам немощным, воздвигни нас унылых, спаси отчаянных, да в радости душевной, ничимже смущаемой, вопием Сыну Твоему: Алли-луия.

## Икос 5

Виде Тя в Дусе богочестивый Исаия, яко имаши, Дева сущи, во чреве прияти Рожденаго из Тебе, возгласи Ти:

Радуйся, Предвечна рождшая;  
радуйся, яко Тобою с нами Бог бывает.

Радуйся, пророчество сбытие;  
радуйся, пророков веселье.

Радуйся, всего мира чаяние;  
радуйся, рода нашего утешение.

Радуйся, Богородице Дево, Млекопитательнице, милостию Твою нас присно питающая.

## **Кондак 6**

Проповедницы присноглаголемии Твоего милосердия суть чудеса многообразная, исто-  
чаемая от иконы Твоей святыя, яже обильно нам даровала еси, да покланяющиеся Тебе и Богом-  
ладенцу Христу, вопием гласы хвалебными: Аллилуия.

## Икос 6

Возсия во обители Саввы Освященного, яко солнце светозарное, всечестная икона Твоя, Млекопитательница именуемая, пред неюже преподобный со иноки выну прославляху Тя, вопиюще:

Радуйся, обители нашейя пречудное укращение;  
радуйся, от врагов видимых и невидимых твердое заступление и защищение.  
Радуйся, молениям нашим присно внемлющая;  
радуйся, прошения наша благоутробно приемлющая.  
Радуйся, горестная вздохания наша утишающая;  
радуйся, слезы наша отирающая.  
Радуйся, Богородице Дево, Млекопитательнице, милостию Твою нас присно питающая.

## **Кондак 7**

Хотя преподобный Савва отыти в жизнь вечную, пророчески рече, яко по мнозех днех приидет во обитель сию царев сын, ему тезоименитый, сей приимет святую икону Владычицы во благословение и воспоет радуяся: Аллилуйя.

## Икос 7

Новый угодник Савва, святитель Сербский земли, прииде во обитель древнюю, и прият по словеси преподобнаго святую икону, и принесе ю на гору Афонскую во обитель Хиландарскую, вси же наследници ея радостно взываху ко Владычице мира:

Радуйся, присно о нас грешных промышляющая;

радуйся, николиже нас убогих забывающая.

Радуйся, милость Твою тысящекратно во святых чудотворных иконах Твоих обновляющая;

радуйся, новая знамения щедрот Твоих ныне изливающая.

Радуйся, любящих и чтущих Тя зело возлюбившая;

радуйся, молящих Ти ся николиже посрамляющая.

Радуйся, Богородице Дево, Млекопитательнице, милостию Твою нас присно питающая.

## **Кондак 8**

Странное чудо и недоразумеваемое есть неверным и суемудренным, како от иконы Твоей чудеса истекают; мы же, многократными милостыми в сем утверждении, пети Господу Богу, даровавшему таковую Помощницу роду христианскому, дерзаем: Аллилуия.

## Икос 8

Весь мир видимый и невидимый блажит Тя, Богородице Дево, яко усердную Заступницу нашу, присно помогающую нам, в море бед и скорбей погибающим, да Тебе, единей нашей надежде, вопием:

Радуйся, Сына Твоего за нас грешных умоляющая;

радуйся, в бедах и обстояниях скоро помогающая.

Радуйся, молений наших скорое услышание;

радуйся, горестей жития нашего верное услаждение.

Радуйся, веру нашу укрепляющая;

радуйся, крест жизни нашей понести нам помогающая.

Радуйся, Богородице Дево, Млекопитательнице, милостию Твою нас присно питающая.

## **Кондак 9**

**Всяко ублажая Тя, Всеблагая, Иоанн Дамаскин рече, яко удобнее молчание, неже пети Тя, но любовию понуждаеми, восхваляем Тя и поем Сыну Твоему песнь великую: Аллилуия.**

## Икос 9

Витийствовати не хощем, но с любовию и слезами притекаем к Тебе, яко Матери чадо-любивой, и из глубины сердца вопием:

Радуйся, Радосте наша неизреченная;  
радуйся, Утешение наше несказанное.  
Радуйся, домов наших ограждение;  
радуйся, чад наших покрове.  
Радуйся, младенцев воспитание;  
радуйся, юных от путей гибельных охранение.

Радуйся, Богородице Дево, Млекопитательнице, милостию Твою нас присно питающая.

## Кондак 10

Спасти всех нас и хощеши и можеши, Пресвятая Дево, аще прибегаем ко всечестному Покрову Твоему, сего ради молим Тя: избави нас от горьких бед и скорбей, нашедших на ны, привлещи сердца наша ко благостному прибежищу и научи вопити Богу, из Тебе рождшемуся: Аллилуйя.

## Икос 10

Стену нерушиму Тя нарицаем и вемы, яко истину глаголем, уведехом бо, яко зело любиши род христианский, милости и щедроты Твоя присно источаеши вопиющим Тебе:

Радуйся, от сетей вражиих нас охраняющая;

радуйся, от навета злых человек нас спасающая.

Радуйся, вражду сродник наших на любовь пременяющая;

радуйся, мир и тишину в домах наших сохраняющая.

Радуйся, намерениям благим вспомоществующая;

радуйся, советы благия на сердце полагающая.

Радуйся, Богородице Дево, Млекопитательнице, милостию Твою нас присно питающая.

## Кондак 11

**Пение всякое принесоша Ти, Пренепорочная, пророцы, предзревше безсеменное зачатие и рождение от Тебе Сына Божия; пастырие же и волсви, видевше Тя рождшую и питавшую, и все люди хвалят Тя. Веруем, яко до скончания века не умолкнет песнь хвалебная от рода христианского Рожденному Тобою: Аллилуия.**

## Икос 11

Светило светозарное Ты еси, Пречистая, нам во тьме грехов и страстей погибающим, просвещающее наша темныя очи, сердце озаряющее высшим разумом, поющее Тя:

Радуйся, Путь, Истину и Жизнь рождшая;  
радуйся, истинному Богу нас вручающая.

Радуйся, светом Евангелия наша мрачныя души озаряющая;  
радуйся, мудрость века сего ни во чтоже вменяющая.

Радуйся, мудрость превысочайшую, яже есть любовь, в сердцах наших насаждающая;  
радуйся, помоюще всем и во всем.

Радуйся, Богородице Дево, Млекопитательнице, милостию Твою нас присно питающая.

## Кондак 12

Благодать Божия явися чудно в земли Российской от подобия иконы Твоей Млекопитательницы. Темже и гора Афонская, и страна наша, ныне люте страждущая, но на милость Твою несуменно уповающая, вопиют милосердому Богу: Аллилуя.

## Икос 12

Поюще Тя, яко Спаса нашего родившую, и пеленами повившую, и млеком питавшую, уповааем, яко никоеже Твое прощение безответно от Него пребудет, понеже Сам Сладчайший Иисус обеща ти тако; имуще в сем твердую надежду, восхваляем Тя, Отрадо и Утешение наше:

Радуйся, лютыя скорби в радость претворяющая;  
радуйся, ожесточение сердец наших любовию Твою умягчающая.  
Радуйся, любити Бога и ближняго нас научающая;  
радуйся, в скорбех наших упование на Бога возлагати наставляющая.  
Радуйся, наша хладныя молитвы любовию Твою согревающая;  
радуйся, молитвы нас грешных и недостойных яко милостивая Мати приемлющая.  
Радуйся, Богородице Дево, Млекопитательнице, милостию Твою нас присно питающая.

## Кондак 13

**О** Всехвальная Богородице Дево, нашего Господа и Владыку млеком питавшая, не презри сего малаго моления нашего, но умоли Сына Твоего, да дарует нам грехов прощение, болезней исцеление, да сохранит нас от глада, мраза, смертоносныя язвы, нечаянныя смерти и от всех бед и обстояний, да избавльшеся сих, радующеся зовем Ему: Аллилуия.

*Этот кондак читается трижды, и снова 1й икос и 1й кондак:*

## Икос 1

Ангелов лица в вертеп приникнувше и узревше тамо Деву чистую, Сына млеком питавшую, возопиша Тебе, Благословенней:

Радуйся, рождшая мира Творца;

радуйся, питающая Питателя вселенныя.

Радуйся, пеленами повивающая Повивающего небо облаки;

радуйся, дланьми носящая на Херувимех носимаго.

Радуйся, яко Детищ мал Тобою родися;

радуйся, яко Младенец плачущ и мирови радость даяй Тобою в мир прииде.

Радуйся, Богородице Дево, Млекопитательнице, милостию Твою нас присно питающая.

## Кондак 1

Избранней от дщерей человеческих Материю быти Христа Бога нашего принесем от любве нашея песни хвалебныя; Ты же, Сына Божия неизреченно родившая и яко Младенца млеком питавшая, сохрани нас, поющих Тя, от обышедших нас зол, скорбей и напастей, да зовем Ти немолчно:

**Радуйся, Богородице Дево Млекопитательнице, милостию Твою нас присно питающая.**

## Молитва

**Приими, Госпоже Богородительнице, слезная моления рабов Твоих, к Тебе притекающих. Зрим Тя на святей иконе, на руках носящую и млеком питаящую Сына Твоего и Бога нашего, Господа Иисуса Христа. Аще и безболезненно родила еси Его, обаче матерния скорби веси и немоющи сынов и дщерей человеческих зриши. Темже тепле припадающе к цельбоносному образу Твоему и умиленно сей лобызающе, молим Тя, всемилостивая Владычице: нас, грешных, осужденных в болезнях родити и в печалех питати чада наша, милостивно пощади и сострадательно застуши, младенцы же наша, такожде и родивши их, от тяжкаго недуга и горькия скорби избави. Даруй им здравие и благомощие, да и питаемии от силы в силу возрасстati будут, и питающия их исполнятся радостию и утешением, яко да и ныне представительством Твоим из уст младенец и ссущих Господь совершил хвалу Свою. О Мати Сына Божия! Умило-сердися на матери сынов человеческих и на немощных людях Твоя: постигающия нас болезни скоро исцели, належащия на нас скорби и печали утоли, и не презри слез и воздыханий рабов Твоих. Услыши нас в день скорби пред иконою Твою припадающих, и в день радости и избавления приими благодарная хваления сердец наших. Вознеси мольбы наша ко престолу Сына Твоего и Бога нашего, да милостив будет ко грехом и немощем нашим и пробавит милость Свою ведущим имя Его, яко да и мы, и чада наша прославим Тя, милосердую Заступницу и верную надежду рода нашего, во веки веков. Аминь.**

Текст акафиста приводится по следующему изданию: «Радуйся, Невесто Неневестная!»: 60 акафистов Божией Матери и Ее чтимым иконам. – Свято-Троицкая Сергиева Лавра, 2000. – С. 574–583. – По благословению святейшего Патриарха Московского и всея Руси Алексия II. Акафист на момент издания не имеет общечерковного утверждения.



*Икона Пресвятой Богородицы «Млекопитательница»*



*Икона Пресвятой Богородицы «Воспитание»*

## **Акафист Пресвятой Богородице в честь иконы Ее, именуемой «Воспитание»**

### **Кондак 1**

Взбранной Воеводе и благой Воспитательнице рода христианского, яко избавльшия от злых, благодарственная восписую Ти, раба твоя, Богородице; но яко имущая державу непобедимую, от всяких бед чадо мое свободи, со слезами бо зову Ти:

Воспитай, Владычице, чадо мое (*имя*) достойным Небесного Царствия и наследником вечных благ его сотвори.

## Икос 1

Ангела с небесе послати чаду моему исходатайствуй, Пресвятая, у Сына Твоего и Бога, якоже и Тебе послан бысть хранитель прекрепкий, Гавриил Архангел, и сподоби мя взвывать Тебе сище:

Воспитай чадо мое земным ангелом;  
воспитай чадо мое небесным человеком.  
Воспитай чадо мое Тебе угодным;  
воспитай чадо мое сокрушенным духом и сердцем.  
Воспитай чадо мое Твоим рабом;  
воспитай чадо мое зовущим Тебе:  
«Радуйся, Благодатная, Господь с Тобою!»  
Воспитай, Владычице, чадо мое (*имя*) достойным Небесного Царствия и наследником вечных благ его сотвори.

## **Кондак 2**

**Видящи мое матернее моление о чаде моем к Тебе единой, Владычице, приими его под Твой честный и милосердный покров, да воззовет Богу: Аллилуия.**

## Икос 2

Разум чаду моему посли, еже како добре Ти послужити, и исполни сердце его премудростию небесною, научающи сию едину возлюбити, земная же презирати, и не возбрани устом моим вопити таковая:

Воспитай чадо мое мудрым, якоже змия, и простым, яко голубие;  
воспитай чадо мое имущим разум на благое и не имущим на грех.

Воспитай чадо мое премудрым противу козней диавольских;  
воспитай чадо мое устрояющим мудре житие свое по образу святых.

Воспитай чадо мое, питающи его млеком премудрости Божия сокровенныя;  
воспитай чадо мое, да взыскует премудрость сию во всем житии своем.

Воспитай, Владычице, чадо мое (*имя*) достойным Небесного Царствия и наследником  
вечных благ его сотвори.

## **Кондак 3**

Сила Вышняго да осенит чадо мое Твоего ради неусыпного предстательства пред Сыном Твоим, да познав Твое матернее милосердие ко всем, притекающим к Богу с верою, воззовет Ему: Аллилуия.

## Икос 3

Имущи от Бога чадо мое, не хочу узрети его в муке вечной пребывающа, но паче записанным в книзе жизни и наследующим живот вечный. Сего ради, Пречистая Дево, приклони ухо к молению моему, взываю Тебе:

Воспитай чадо мое, да избегнет вечных мук;

воспитай чадо мое, да наследует живот вечный.

Воспитай чадо мое, да проходит путь жития в покаянии;

воспитай чадо мое, да потщится претрудно стяжати благодать Духа Святаго.

Воспитай чадо мое, да попечется усиливо восхитити Царствие Небесное;

воспитай чадо мое, еже быти ему записанным в книгу жизни.

Воспитай, Владычице, чадо мое (*имя*) достойным Небесного Царствия и наследником вечных благ его сотвори.

## Кондак 4

Бурю внутрь имущи помышлений сумнительных, видящи соблазнов множества, желающи же чаду моему внити в живот вечный, рыдаю; воспомянувши же Твоя милости пребогатыя, во уповании и умилении сердца пою Сыну Твоему: Аллилуя.

## Икос 4

Слышащи глас Твой, глаголующий Сыну Твоему: «Данных Мне Тобою в удел сохраняй во веки», – простираю руце мои и сердце к Твоему милосердию, да возмеши чадо мое в рабы Твоя и исполниши прошения моя таковая:

Воспитай чадо мое в уделе Твоем пресвятым;  
воспитай чадо мое со всеми избранными Твоими.  
Воспитай чадо мое рабом, творящим вся Божия повеления;  
воспитай чадо мое шествующим узким путем заповедей Сына Твоего во Иерусалим Гор-  
ний.

Воспитай чадо мое ищущим помочи у Тебе единыя;  
воспитай чадо мое к животу вечному.

Воспитай, Владычице, чадо мое (*имя*) достойным Небесного Царствия и наследником  
вечных благ его сотвори.

## **Кондак 5**

Боготечная звезда утренняя, Сын Твой, Пресвятая Дево, да возсияет свет невечерний в сердце чада моего, во еже воззвати ему Богу: Аллилуия.

## Икос 5

Видящи мое прилежное моление, возносимое Тебе, приими сие яко фимиам благовонный и не отврати лица Твоего от моего чада, аще и отвратится сей (*или сия*) от Тебе, но паче услыши глаголы уст моих, вопиющих Тебе:

Воспитай чадо мое нищим духом, да внидет в Царство Небесное;  
воспитай чадо мое плачущим, да утешится.  
Воспитай чадо мое кротким, да наследит землю;  
воспитай чадо мое алчущим и жаждущим правды, да насытится.  
Воспитай чадо мое милостивым, да помилует его Господь;  
воспитай чадо мое чистым сердцем, да Бога узрит.  
Воспитай чадо мое миротворцем, да чадом Божиим наречется;  
воспитай чадо мое радующимся в лищениих и поношениих, да улучит мзду свою.

Воспитай, Владычице, чадо мое (*имя*) достойным Небесного Царствия и наследником вечных благ его сотвори.

## **Кондак 6**

Проповедует мир весь христианский Твое всегдашнее заступление сирот, вдовиц и матерей, о чадех своих молящихся и вопиющих Богу: Аллилуя.

## Икос 6

Возсияй лучу благодати в душе чада моего, да, просвещенный от Тебе свыше, узрит путь, ведущий в живот вечный, и последует им, сохраняемый под Твоим всемоющим покровом, в Царство Сына Твоего, идже жизнь безконечная, и сего ради услыши мя, зовущую Тебе сице:

Воспитай чадо мое светом мира, да светит свет его пред людьми, и да видяще его добрая дела, прославят Отца Небесного;

воспитай чадо мое просвещенным от Сына Твоего, да во свете Его узрит свет и направит стопы своя к Нему.

Воспитай чадо мое всегда обращающим очи сердца своего к Создателю всяческих;

воспитай чадо мое, путеводствующи его звездою утреннею, яже есть Сын Твой, во обители праведников.

Воспитай чадо мое кротким, молчаливым и трепещущим словес Божиих;

воспитай чадо мое любящим Тебе и Сына Твоего не токмо умом, но и сердцем.

Воспитай, Владычице, чадо мое (*имя*) достойным Небесного Царствия и наследником вечных благ его сотвори.

## **Кондак 7**

Хотящи чаду моему вечнаго спасения, со слезами предстою пред честною Твою иконою,  
Владычице, да не презреши моления моего, внегда звати ми Сыну Твоему: Аллилуия.

## Икос 7

**Новую покажи милость на чаде моем и дивными и неизследимыми судьбами Сына Твоего привлецы его под Свой благодатный покров, да со усердием зову Ти:**

Воспитай чадо мое ищущим прежде Царствия Божия и правды Его;  
воспитай чадо мое входящим тесными враты в живот вечный.

Воспитай чадо мое на всяком месте творящим волю Сына Твоего и Бога;

воспитай чадо мое не глаголющим, ниже мыслящим хулу на Духа Святаго;

Воспитай чадо мое вопиющим к Богу день и ночь;

воспитай чадо мое в малом числе избранных Твоих.

**Воспитай, Владычице, чадо мое (*имя*) достойным Небесного Царствия и наследником вечных благ его сотвори.**

## Кондак 8

Странствующе в юдоли сей земной, многоскорбной и многомятежной, чадо мое где обретет отраду и утешение, аще не в Тебе, Пречистая! Путеводствуй же его и настави его на путь истинный, да зовет Богу: Аллилуия.

## Икос 8

Всем еси Мати милующая, Ты, Владычице, и хощу, да пребудеши Материю чаду моему.  
Се вручаю его в руце Твои и во смирении прошу Тя:

Воспитай чадо мое бодрствующим и молящимся, да не внидет во искушение;

воспитай чадо мое милосердным, якоже Отец наш Небесный милосерд есть.

Воспитай чадо мое в простоте младенческой, яко таковых есть Царство Божие;

воспитай чадо мое мое меньшим всех, да будет пред Богом велик.

Воспитай чадо мое соблюдающим слово Божие, причастником блаженства райского его  
содевающи;

воспитай чадо мое благонадежным для Царства Небеснаго.

Воспитай, Владычице, чадо мое (*имя*) достойным Небесного Царствия и наследником  
вечных благ его сотвори.

## Кондак 9

Всякого добра душу и сердце чада моего исполни, Дево, подающая от щедрот Твоих всем по коегождо потребе, и отжени от него злосмрадного духа безбожия, да зовет Богу: Аллилуя.

## Икос 9

Ветий суемудренных вещания, не разумеющих Твоего всемошнаго заступления, да не внидут во уши чада моего, молю Тя, вопиющи:

Воспитай чадо мое в целомудрии и послушании;  
воспитай чадо мое бегающим утех мира и прелестей века сего.

Воспитай чадо мое уклоняющимся от зла и творящим благо;  
воспитай чадо мое творящим добрый плод.

Воспитай чадо мое любящим и молящимся о вразех своих;  
воспитай чадо мое совершенным, яко совершен Отец наш Небесный.

Воспитай, Владычице, чадо мое (*имя*) достойным Небесного Царствия и наследником вечных благ его сотвори.

## Кондак 10

Спасти хотя мир, Сын Твой прииде с небесе призвати не праведники, но грешники на покаяние. Сего ради моли Сына Твоего о чаде моем, да спасенный Тобою воззовет Богу: Алли-луия.

## Икос 10

Стена несокрушимая буди, Небесная Царице, чаду моему, да Тобою ограждаем и наставляем, возможет содеяти множество благих дел, да и с ним зову Тебе сице:

Воспитай чадо мое ведущим творити волю Сына Твоего и Бога;

воспитай чадо мое ненавидящим грех и всякое беззаконие.

Воспитай чадо мое любящим добро и всякую добродетель;

воспитай чадо мое в чистоте непорочней.

Воспитай чадо мое восходящим по лествице добродетелей на кийждо день;

воспитай чадо мое в горести своей обращающим очи к Твоему милосердию.

Воспитай, Владычице, чадо мое (*имя*) достойным Небесного Царствия и наследником вечных благ его сотвори.

## **Кондак 11**

**Пети Твое необоримое заступление выну сподоби чадо мое, да Твою благодатию отверзет устне свои воспевати Богу: Аллилуя.**

## Икос 11

Светоприемную свещу, пламенеющую и истаявающую от любви к Тебе и Сыну Твоему и ближнему день и нощь, живот чада моего сodelай и не презри мене, зовущую Ти:

**Воспитай чадо мое любящим Тя от всего сердца и помышления;**

**воспитай чадо мое всегда взирающим на крест и страдания Сына Твоего.**

Воспитай чадо мое отверзающим устне своя токмо на похваление и прославление благости Твоей;

**воспитай чадо мое ждущим пришествия Сына Твоего со слезами.**

**Воспитай чадо мое в молитве трезвенной и непрестанной;**

**воспитай чадо мое в благоговении всегда Тебе предстоящим.**

**Воспитай, Владычице, чадо мое (*имя*) достойным Небесного Царствия и наследником вечных благ его сотвори.**

## **Кондак 12**

**Благодатию неизреченою Духа Святаго напитай сердце чада моего, еже возлюбити Сына Твоего и Бога, и Тебе, Преблагую, да Тобою подвизаем, зовет Царю всяческих: Аллилуйя.**

## Икос 12

**Поющи Твое милосердие, имже милуеши и питаеши чадо мое, молюся: не престай про-  
сити о нем Сына Твоего, вся бо Тебе возможна суть, и исполни во благо мольбы моя таковыя:**

**Воспитай чадо мое исполненным Духа Святаго;**

**воспитай чадо мое, да поставлен будет на Суде Сына Твоего одесную.**

**Воспитай чадо мое живущим свято;**

**воспитай чадо мое благодатию Духа Божия твердо на пути правом пребывающим.**

**Воспитай чадо мое в плаче о грехах житие свое проводящим;**

**Воспитай чадо мое алчущим и жаждущим Божия благодати.**

**Воспитай, Владычице, чадо мое (*имя*) достойным Небесного Царствия и наследником  
вечных благ его сотвори.**

## Кондак 13

**О** всепетая Мати Иисуса сладчайшаго! Приими сие малое акафистное моление, в воню благоухания духовного о чаде моем приносимое, и покрый его милосердным Твоим покровом. Даруй ему мыслити, ведати, слышати, глаголати и творити точию Тебе и Сыну Твоему угодная и спасению души его споспешная. И посли ему в жизни сей привременной вся потребная к вечному спасению, да зовет Богу: Аллилуия.

*Этот кондак читается трижды, и снова 1й икос и 1й кондак:*

## Икос 1

Ангела с небесе послати чаду моему исходатайствуй, Пресвятая, у Сына Твоего и Бога, якоже и Тебе послан бысть хранитель прекрепкий, Гавриил Архангел, и сподоби мя взвывать Тебе сище:

Воспитай чадо мое земным ангелом;  
воспитай чадо мое небесным человеком.

Воспитай чадо мое Тебе угодным;  
воспитай чадо мое сокрушенным духом и сердцем.

Воспитай чадо мое Твоим рабом;  
воспитай чадо мое зовущим Тебе: «Радуйся, Благодатная, Господь с Тобою!»

Воспитай, Владычице, чадо мое (*имя*) достойным Небесного Царствия и наследником вечных благ его сотвори.

## Кондак 1

Взбранной Воеводе и благой Воспитательнице рода христианского, яко избавльшися от злых, благодарственная восписую Ти, раба твоя, Богородице; но яко имущая державу непобедимую, от всяких бед чадо мое свободи, со слезами бо зову Ти:

Воспитай, Владычице, чадо мое (*имя*) достойным Небесного Царствия и наследником вечных благ его сотвори.

## **Молитва ко Господу**

Господи Иисусе Христе, Сыне Божий, молитв ради Пречистыя Твоей Матере услыши мя, недостойную рабу Твою (*имя*).

Господи, в милостивой власти Твоей чада моя, рабы Твоя (*имена*). Помилуй и спаси их, имене Твоего ради. Господи, прости им вся согрешения, вольная и невольная, содеянная ими пред Тобою. Господи, настави их на истинный путь заповедей Твоих и разум их просвети светом Твоим, сердце согрей любовию Твою. Господи, благослови их в доме, в школе, в пути и на всяком месте владычества Твоего. Господи, сохрани их под кровом Твоим от летящия пули, стрелы, ножа, меча, яда, огня, от смертоносных язв и от внезапных смерти. Господи, огради их от всяких видимых и невидимых врагов, от всяких бед, зол и несчастий. Господи, исцели их от всяких болезней, очисти от всяких скверн и облегчи их душевная страдания и скорби. Господи, даруй им благодать Духа Твоего Святаго на многая лета жизни, здравие и целомудрие во всяком благочестии и любви. Господи, подаждь им остроту разума и укрепи телесные силы. Господи, дай им Твое благословение на благочестивую семейную жизнь и благочестивое деторождение. Господи, даруй мне, недостойной и грешной рабе Твоей (*имя*) благословение на воспитание чад моих, имене Твоего ради, ибо Царствие Твое вечно, всесильно и всемогущественно. Аминь.

## Молитва к Божией Матери

О Пресвятая Владычице Дево Богородице, спаси и сохрани под кровом Твоим моих чад (*имена*), всех отроков, отроковиц и младенцев, крещеных и еще безымянных, и во чреве матере носимых. Укрой их ризою Твою Матернею, соблюди их в страсе Божии и послушании родителем, умоли Господа моего и Сына Твоего, да дарует им полезная ко спасению их. Вручаю их Матернему смотрению Твоему, яко Ты еси божественный покров рабом Твоим. Аминь.

Текст акафиста приводится по следующему изданию: Акафисты Божией Матери / Изд. испр. и дополненное. – М.: Ковчег, 2008. – С. 134–153. – По благословению Высокопреосвященного Сергия, архиепископа Тернопольского и Кременецкого. Акафист на момент издания не имеет общекерковного утверждения.



*Икона Пресвятой Богородицы «Прибавление ума»*

## **Акафист Пресвятой Богородице в честь иконы Ее, именуемой «Прибавление ума»<sup>1</sup>**

### **Кондак 1**

Избранней от всех родов Божией Матери, Небесе и земли Царице, врачевство духовное всему миру подающей, благодарственная пения приносим о даровании Божественного сокровища, чудотворная иконы Ея, «Прибавление ума» нареченныея, еюже ограждаеми, радуемся светло и с любовию взыываем:

Радуйся, Всемилостивая Владычице, премудрость и разум верным людем Твоим дарующая.

---

<sup>1</sup> Автор акафиста – А. А. Трофимов

## Икос 1

Ангел предстатель послан бысть во град Назарет к чистей Отроковице Марии рещи: «Радуйся!». Пречистая же Дева, благовестие Архангела слышавши, во смирении сердца отвеша: «Се, Раба Господня, буди Мне по глаголу твоему». Тогда Бог Слово воплощающееся во утробе Ея. Мы же грешнии, благоговейно чтуще Матерь Христа Бога нашего, яко ангелом научихомся, тако со умилением вопием Благодатней:

Радуйся, Благословенная в женах;  
радуйся, у Господа обретшая благодать.  
Радуйся, силою Всевышняго осененная;  
радуйся, Духом Святым освященная.  
Радуйся, верная Рабо Господня;  
радуйся, Богоизбранная Отроковице.  
Радуйся, Спасителя мира рождшая;  
радуйся, Мати Света, всех просвещающего.  
Радуйся, премудрых превосходящая разум;  
радуйся, верных озаряющая смыслы.  
Радуйся, Небесе и земли Царице;  
радуйся, яко Тя ублажают вси роди.  
Радуйся, Всемилостивая Владычице, премудрость и разум верным людем Твоим дарующая.

## Кондак 2

Видящи, Всенепорочная, желание людей новопросвещенных, благослови евангельских тайн благовестника апостола Луку написати пречистаго лица Твоего изображение, и на него зрящи, глаголала еси: «С сим образом благодать Моя и сила да будет». Темже благоговейно покланяющеся пред святыми иконами Твоими, имиже весь мир христианский украсила еси, благодарственно вопием о Тебе Богу: Аллилуя.

## Икос 2

Разум небесный открывающи, Пречистая Дево, благоизволила еси явити всем верным, яко в мире есть воля Божия, благая и совершенная, и всяк ум превосходящая. Призри на нас, Всепетая Богородице, озари светом истины, утеши нас, яко Мати, настави нас на путь правды, да возопиим моляще Тебе тако:

Радуйся, Божию Силу и Божию Премудрость, Христа, породившая;  
радуйся, Бога с человеком соединившая.

Радуйся, светом разума души наша просвещающая;  
радуйся, неизреченныя славы Божия вместилище.

Радуйся, почитания святых икон освящение;  
радуйся, духовных сокровищ Подательнице.

Радуйся, честным Твоим иконам благодать даровавшая;  
радуйся, яко на иконы Твоя взирающе, Самой Тебе покланяемся.

Радуйся, во всем мире исцеления от святых икон Твоих подающая;  
радуйся, к Небесем умы и сердца наша возводящая.

Радуйся, всю вселенную лучами Твоего благодати озарившая;  
радуйся, с Сыном Твоим и Богом вечно царствующая.

Радуйся, Всемилостивая Владычице, премудрость и разум верным людем Твоим дарующая.

## Кондак 3

Силою благодатною осеняеми, благочестиви людие во град Назарет приидоша и обретоша тамо дом Богородичен, идже Пречистая Дева родися и благовестие Архангела прият, и пренесоша дом той в землю Италийскую, во град Лорето. Верху же дома оного доныне есть икона Богородична, от древа сотворена, юже ангельския Небесныя Силы невидимо окружают и благолепно чествуют, радостно вопиюще Богу: Аллилуия.

## Икос 3

Имуши к роду христианскому матернее милосердие, вся концы земли ко спасению призываеши, Пречистая, темже убо народи разноязычни от многих стран приходят в дом Твой и пред иконою Твою исповедуют грехи своя. Того ради от востока до запада прославлена бысть икона Твоя, и избавлении от болезней, скорбей и напастей людие приносят Ти благодарения, взывающе:

Радуйся, Доме, Егоже созда Себе Премудрость Божия;  
радуйся, граде Божий, иже от малаго града Назарета произыде.  
Радуйся, дом Божий явлением Своим озарившя;  
радуйся, Отроковице, Святая Святых большая.  
Радуйся, с Предвечным Богомладенцем в Назарет пришедшая;  
радуйся, таинству спасения рода человеческаго послужившя.  
Радуйся, Лествице, еюже восходим от земли на Небо;  
радуйся, всему миру предивный Покрове.  
Радуйся, яко с верою покланяемся пречистаго лика Твоего изображению;  
радуйся, яко от него приемлем благодатныя дары во спасение душ наших.  
Радуйся, дивная знамения иконами Твоими совершающая;  
радуйся, державная Заступнице рода христианскаго.  
Радуйся, Всемилостивая Владычице, премудрость и разум верным людем Твоим дарующая.

## Кондак 4

Бурею скорби велия одержим бе изограф некий, в помрачении разума от земных врачей никоему пользы получивый. Тогда Пречистая Мати Господа явися болящему и заповеда икону написати, яже дом Ея во граде Лорето освящает. Сия исполнив, изограф исцелился и от того дне икону новописанную «Прибавление ума» нарече, поя пред нею хвалебную песнь Богу: Аллилуия.

## Икос 4

Слышавше людие земли Руссия, яко благоизволи Пресвятая Богородица дати им в радость и утешение икону Свою, «Прибавление ума» нареченную, украсиша храмы и домы своя многими списками ея, от нихже дивная знамения и чудеса обильно содеваются всем притекающим с верою и поюющим Преблагословенней таковая:

Радуйся, образ Твой честный во утешение и освящение нам даровавшая;  
радуйся, болезни душевныя и телесныя иконою Твою скоро врачующая.

Радуйся, землю Русскую покровом милости Твоей осенившая;  
радуйся, любящая и чтущия Твой образ от всяких бед избавляющая.

Радуйся, со иконами Твоими благодатными невидимо в домы наша входящая;  
радуйся, благословение и радование тем приносящая.

Радуйся, оставленных врачами на Свои всемощней руце приемлющая;  
радуйся, иждившим от недуга ум исцеление подающая.

Радуйся, безнадежных надеждо;

радуйся, умов наших просвещение.

Радуйся, познания истины чистое зерцало;  
радуйся, яко от востока и до запада имя Твое ублажается.

Радуйся, Всемилостивая Владычице, премудрость и разум верным людем Твоим дарующая.

## Кондак 5

Боготечней звезде подобна явися икона Твоя, Богомати: страну бо нашу Российскую и грады ея освящает, сущих во тьме невежества светом боговедения озаряет, разум наш, страстью помраченный, просвещает, заблуждающихся же наставляет на путь делания заповедей Сына Твоего и Бога, Ему же благодарственне вопием: Аллилуйя.

## Икос 5

Видевше Божественное сокровище – дивную икону Богоматере, к сей усердно притекающе, в недузех исцеление, в скорбех утешение, в бедах избавление приемлем и радостно поем  
Заступнице нашей:

Радуйся, явлением иконы Твоей верных осиявшая;  
радуйся, яко Тобою во тьме возсия Солнце Правды, Христос Бог наш.  
Радуйся, Мати Света умнаго, благодатию всю вселенную озарившаго;  
радуйся, зарями благодати нас просвещающая.  
Радуйся, светом Твоим мрак неведения нашего разгоняющая;  
радуйся, Дево, яко Тобою свет боговедения всем возсия.  
Радуйся, свеще неугасимая, свет веры воспламеняющая;  
радуйся, добродетели путь освещающая.  
Радуйся, святыни источниче;  
радуйся, от бед и напастей крепкая наша Хранительнице.  
Радуйся, любве Божественная светильниче неугасимый;  
радуйся, сиянием чудес Твоих весну спасения нам возвещающая.  
Радуйся, Всемилостивая Владычице, премудрость и разум верным людем Твоим дарующая.

## **Кондак 6**

**Проповедует мир весь милости Твоя, Мати Господа нашего, во градех бо и весех земли  
Руссия икона Твоя «Прибавление ума» лучами чудес сияет, просвещающи души наша светом  
Божия благодати и подвизающи пети прославльшему Тя Богу: Аллилуя.**

## Икос 6

Возсия в честней иконе Твоей, Богородице, свет спасения всем, блуждающим во тьме грехов и страстей, и всем молящимся пред нею с верою и благоговением скорая помощь подается. Умов наших омрачение светом Твоим отжени, Всепетая, и даруй истинный Свет узрети всем, с любовию вопиющим Ти сице:

Радуйся, звездо незаходимая, Солнце Правды в мир вводящая;  
радуйся, Мати Света истинного, души верных просвещивающая.

Радуйся, благодатного учения Наставнице;  
радуйся, яко светлым покровом ум наш омраченный осеняеши.  
Радуйся, заре невечерняя, мглу наших грехов разгоняющая;  
радуйся, тьмы и вечных мук нас избавляющая.

Радуйся, от сетей вражиих свобождающая;  
радуйся, безумие мира побеждающая.

Радуйся, душевредных учений низложение;  
радуйся, душеполезных знаний дарование.

Радуйся, иконою Твою нас утешающая;  
радуйся, светом радости души ободряющая.

Радуйся, Всемилостивая Владычице, премудрость и разум верным людем Твоим дарующая.

## Кондак 7

Хотяй всем человеком спастися и в разум истины приити, премилосердый Господь и Создатель наш Пречистыя Матере Своей образ «Прибавление ума» даровал есть нам, да вси с верою молящиися пред ним, крепость слова, и разум, и мудрость приимше, в тишине помыслов Царю и Богу нашему поют: Аллилуия.

## Икос 7

Новая и преславная чудеса являеши, Мати Божия, верным людем святою иконою Твою: силою благодати Христовы помраченныя умом просвещаеши, от безумия отвращаеши, разслабленныя укрепляеши и всем притекающим к целебному Твоему образу скорую помошь подаеши, подвизающи пети Тебе таковая:

Радуйся, из глубины неведения извлачающая;  
радуйся, многи в разуме просвещающая.  
Радуйся, слово премудрости просящим дарующая;  
радуйся, несмысленных разумны содевающая.  
Радуйся, греховныя помыслы отгоняющая;  
радуйся, сердца ожесточенная умягчающая.  
Радуйся, ум к Богу возвышающая;  
радуйся, немудрыя умудряющая.  
Радуйся, ко благочестию наша Наставнице;  
радуйся, одаряющая нас вечною радостию.  
Радуйся, к Сыну Твоему и Богу молитвы верных приносящая;  
радуйся, и Сама непрестанно у Престола Вседержителя о всех молящаяся.  
Радуйся, Всемилостивая Владычице, премудрость и разум верным людем Твоим дарующая.

## Кондак 8

Странно есть видети икону Твою, Пречистая Богородице Дево, на досце написанную, духов тьмы прогоняющую силою Твою Божественною и разум подающую немощию ума одержимым и всем неудобь учащимся; и нас, во гресех погибающих, молим Тя со слезами, избави от враг видимых и невидимых, от тьмы неразумия, да всегда поем Спасителю и Богу нашему: **Аллилуия.**

## Икос 8

Вся земля Русская преисполнена, яко звездами богосветлыми, чудотворными иконами Твоими, Богородице Дево, в нейже и сия икона Твоя, «Прибавление ума», благодатию сияет и согревает оледеневшая сердца наша знаменьми милости Твоей к нам грешным. Сего ради пред лицом Твоим святым преклоньше колена, воспеваем Тя, Всепречистая Мати наша, тако:

Радуйся, скорби наша в радость претворяющая;  
радуйся, от разжженных стрел лукаваго нас защищающая.  
Радуйся, младенцев воспитание и благодатное хранение;  
радуйся, юности Охранительнице и Наставнице премудрая.  
Радуйся, детем неудобъ учашимся разум подающая;  
радуйся, вражия сети разрушающая.  
Радуйся, верных разум просвещивающая;  
радуйся, неверных посрамляющая.  
Радуйся, помрачением ума одержимых исцеляющая;  
радуйся, яко благодатию от иконы Твоей демони прогоняются.  
Радуйся, Мати милосердия и щедрот;  
радуйся, Надеждо вечного нашего спасения.  
Радуйся, Всемилостивая Владычице, премудрость и разум верным людем Твоим дарующая.

## **Кондак 9**

Всякое естество ангельское благоговейно Тебе служит, Небеси и земли Царице, человеческий же род хвалы Тебе приносит и Твою святую икону почитает, сию бо во отраду и утешение даровала еси нам. Научи нас, о Всеблагая, достойно славити Тя и воспевати рождшемуся от Тебе Спасителю мира: Аллилуия.

## Икос 9

Ветии человечесстии недоумевают познати тайну служения Твоего роду христианскому, Богородице, ниже могут изъяснити силу чудотворную, от икон Твоих происходящую на всяку пользу душевную и телесную человеком. Мы же, православнии, со слезами радости пред иконою Твою святою предстояще, прославляем Тя, Благодатная, и глаголем:

Радуйся, ангелов радование;  
радуйся, от Архангел покланяемая.  
Радуйся, юже на воздухе сретают Херувими;  
радуйся, ейже похвальная приносят Серафими.  
Радуйся, светлое Церкве Небесныя и земныя украшение;  
радуйся, всех Небесных Сил вышшая.  
Радуйся, от воинств Небесных почитаемая;  
радуйся, всех земнородных славо.  
Радуйся, образом Твоим умы наша к Горнему возводящая;  
радуйся, Путеводительнице наша к Небесному Отечеству.  
Радуйся, сиянием души Твоей всю землю просвещивающая;  
радуйся, всех нас при Кресте Сына Твоего усыновившая.  
Радуйся, Всемилостивая Владычице, премудрость и разум верным людем Твоим дарующая.

## Кондак 10

Спасти хотя мир от безумия и прелести вражия, Человеколюбец Господь чудную икону Твою, Богомати, дарова, пред неюже помрачении умом исцеляются, беснующиися от демонов свобождаются, скорбящии утешение и радость обретают. Темже прославляюще Бога, подающаго нам таковыя милости, вопием Ему благодарне: Аллилуия.

## Икос 10

Стена необоримая и Покров буди нам, Всенепорочная, сопротив ополчений видимых и невидимых враг, ограждающи нас от всяких бед и болезней. Сего ради припадающе к иконе Твоей «Прибавление ума», с верою в помошь благодатную и врачевство всем недугом душевным и телесным, радостно вопием Ти сице:

Радуйся, от путей погибельных нас удаляющая;  
радуйся, на всяку истину верных наставляющая.  
Радуйся, духа болезни и уныния отгнание;  
радуйся, духа разума и крепости стяжание.  
Радуйся, врагов силою Божию посрамляющая;  
радуйся, советы нечестивых разоряющая.  
Радуйся, беснующимся здравие подающая;  
радуйся, вся лютыя недуги врачующая.  
Радуйся, от смерти духовная нас избавляющая;  
радуйся, слезами Твоими грехи наша омывающая.  
Радуйся, радостию духовною нас дивно насыщающая;  
радуйся, и в будущем веце вечных радости нас сподобляющая.  
Радуйся, Всемилостивая Владычице, премудрость и разум верным людем Твоим дарующая.

## Кондак 11

Пение благодарственное приносим пред пречистым образом Твоим, Пренепорочная, за неизреченное Твое милосердие и молимся, о Богоблагодатная: огради ум наш и сердце от тлестворных учений, неверия и суеверия, сохрани страну нашу Российскую от всяких нестроений, врагами веры во отечестве нашем воздвигаемых, и сподоби нас чистым сердцем славити Создателя нашего, поюще песнь: Аллилуия.

## Икос 11

Яко светоприемную свещу зrim икону Твою, Богомати, сияием чудес землю нашу проповедывающую, на путь спасения нас наставляющую и сердца наша любовию воспламеняющую к Тебе, Пречистей Матери Господа. Мы же, ведуще силу благодати Твоей, песнями радостными прославляем Тя сице:

Радуйся, премудрости Соломоновы превышшая;  
радуйся, сокровенныя тайны Божия верным открывающая.  
Радуйся, любомудрыя немудрыя являющая;  
радуйся, молние, души просвещающая.  
Радуйся, суетную мудрость века сего посрамляющая;  
радуйся, ослепленных ею на путь правый наставляющая.  
Радуйся, искренне молящимся ум обновляющая;  
радуйся, в час недоумений мысль благу на сердце полагающая.  
Радуйся, Премудрости и благости Божия откровение;  
радуйся, Горячаго мира Красоты.  
Радуйся, явившая нам дивную икону Твою, яко дар Небесный;  
радуйся, источниче радости непрестанныя.  
Радуйся, Всемилостивая Владычице, премудрость и разум верным людем Твоим дарующая.

## Кондак 12

Благодать Божественную испроси у Сына Твоего и Бога, о Всеблагая, подай нам руку помощи, да не погибнем без покаяния; согрей нас любовию Твою, очисти умы наша от греховных помыслов, просвети сердечныя очи наша к зрению спасения и сподоби нас в жизни сей и в Царстве Небеснем воспевати Творцу и Создателю нашему: Аллилуия.

## Икос 12

**Поюще чудеса, от иконы Твоей явленная, Владычице, хвалим, славим и величаем Тя, честнейшую воистину Херувим и славнейшую без сравнения Серафим. Призри с Небесе, Бого-родице, на предстоящия пред святою иконою Твою и благодать Твою ниспосли нам, избави от всяких бед и искушений вражиих всех воспевающих Тя, яко Заступницу и Хранительницу нашу:**

Радуйся, молитвами Твоими весь мир спасающая;  
радуйся, нынешняго скорбного века утешение.  
Радуйся, Мати Света, светом чистоты Твоей всех просвещающая;  
радуйся, воли Господни тайны нам открывающая.  
Радуйся, страну Российскую в достояние Себе избравшая;  
радуйся, явлением чудотворных икон Твоих землю Русскую благословившая.  
Радуйся, чудесы от образа Твоего к Свету истины нас возводящая;  
радуйся, незримо нас благодатию осеняющая в образе Твоем.  
Радуйся, радость благодатную в сердца боголюбивая изливающая;  
радуйся, двери милосердия Божия ходатайством Твоим отверзающая.  
Радуйся, дары Духа Святаго стяжати нам помогающая;  
радуйся, едина Чистая и Благословенная в женах.  
Радуйся, Всемилостивая Владычице, премудрость и разум верным людем Твоим дарую-  
щая.

## Кондак 13

**О** Всепетая Мати Присносущного Света и отчия Премудрости, Ты еси свет омраченных, прибавление ума и радость сердец наших; услыши и приими моление нас грешных, умудри нас неразумных и настави на пение и молитву пред иконою Твою, «Прибавление ума» нареченною. Не престай молити о нас, недостойных рабех Твоих, славящих Тя и поющих Сыну Твоему и Богу: Аллилуйя.

*Этот кондак читается трижды, и снова 1й икос и 1й кондак:*

## Икос 1

Ангел предстатель послан бысть во град Назарет к чистей Отроковице Марии реши: «Радуйся!». Пречистая же Дева, благовестие Архангела слышавши, во смирении сердца отвеша: «Се, Раба Господня, буди Мне по глаголу твоему». Тогда Бог Слово воплощающееся во утробе Ея. Мы же грешнии, благоговейно чтуще Матерь Христа Бога нашего, яко ангелом научихомся, тако со умилением вопием Благодатней:

Радуйся, Благословенная в женах;  
радуйся, у Господа обретшая благодать.  
Радуйся, силою Всевышняго осененная;  
радуйся, Духом Святым освященная.  
Радуйся, верная Рабо Господня;  
радуйся, Богоизбранная Отроковице.  
Радуйся, Спасителя мира рождшая;  
радуйся, Мати Света, всех просвещающего.  
Радуйся, премудрых превосходящая разум;  
радуйся, верных озаряющая смыслы.  
Радуйся, Небесе и земли Царице;  
радуйся, яко Тя ублажают вси роди.  
Радуйся, Всемилостивая Владычице, премудрость и разум верным людем Твоим дарующая.

## Кондак 1


Избранней от всех родов Божией Матери, Небесе и земли Царице, врачевство духовное всему миру подающей, благодарственная пения приносим о даровании Божественного сокровища, чудотворных иконы Ея, «Прибавление ума» нареченныея, еюже ограждаеми, радуемся светло и с любовию взыываем:

**Радуйся, Всемилостивая Владычице, премудрость и разум верным людем Твоим дарующая.**

## Молитва

Богородице Пречистая, Доме, Егоже созда Себе Премудрость Божия, даров духовных Подательнице, от мира к премирным ум наш возводящая и всех к познанию разума приводящая! Приими молебное пение от нас, недостойных рабов Твоих, с верою и умилением поклоняющихся пред пречистым образом Твоим. Умоли Сына Твоего и Бога нашего, да дарует влаством нашим мудрость и силу, судиям правду и нелицеприятие, пастырем мудрость духовную, ревность и бдение о душах наших, наставником смиренномудрие, чадом послушание, всем же нам дух разума и благочестия, дух смирения и кротости, дух чистоты и правды. И ныне, Всепетая наша Мати, подай нам ума прибавление, умири, соедини во вражде и разделении сущия и положи им соуз любви неразрушимый, всех заблуждших от неразумия к свету истины Христовы обрати, страху Божию, воздержанию и трудолюбию настави, слово премудрости и душеполезное знание просящим даруй, осени нас вечною радостию, Херувимов честнейши и Серафимов славнейши сущая. Мы же, дивная дела и многоразумную премудрость Божию в мире и жизни нашей видяще, устранимся земных суеты и излишних житейских попечений, и ум, сердце наше на Небеса возведем, яко да Твоим заступлением и помощью славу, хвалу, благодарение и поклонение за вся в Троице славимому Богу и всех Создателю возсылаем, ныне и присно и во веки веков. Аминь.

Текст акафиста приводится по следующему изданию: «Восхлиknите Богу гласом радования». Акафисты / Сост. Александр Трофимов. – М.: Паломник, 2007. – С. 63–75. – По благословению Высокопреосвященнейшего Прокла, архиепископа Симбирского и Мелекесского. Акафист на момент издания не имеет общеперковного утверждения.



Икона Преподобного Сергия Радонежского, с 14 клеймами жития

## **Акафист преподобному Сергию, игумену Радонежскому**

### **Кондак 1**

**Возбранный от Царя сил, Господа Иисуса, данный России воеводо и чудотворче предив-  
ный, преподобне отче Сергие! Прославляюще мы прославльшаго тя славы Господа, благодар-  
ственное пение воспеваем ти, ибо молитвами твоими от нашествия иноплеменник и скорбных  
обстояний нас присно избавляеши, яко имея дерзновение ко Господу, от всяких нас бед сво-  
боди, да зовем ти:**

**Радуйся, Сергие, скорый помощниче и преславный чудотворче.**

## Икос 1

Ангелов Творец, предуведевый, по самовластному чистаго сердца твоего изволению, все-усердствующее Его воли исполнение, еще во чреве матери трикратным возглашением, показа-ти миру истиннаго служителя быти Святыя Троицы и научи всех волити тебе сице:

Радуйся, прежде век, яко имаши верный раб Христов быти, предусмотренный;

радуйся, во оно же время во блаженное и небесное жилище предустановленный.

Радуйся, от чрева матери на службу Небеснаго Царя, яко воин, хотящий верен Ему быти, призванный;

радуйся, яко благодатию Божию оправданный.

Радуйся, не точию в России, но и во всей вселенней прославленный;

радуйся, трикратным твоим во чреве возглашением родителей и всех слышащих удиви-вый.

Радуйся, по рождении своем постное иноческое житие показавый;

радуйся, от сосца матери воздержание чудное явивый.

Радуйся, яко в среду и пяток молека никакоже вкусивый;

радуйся, родителей благих добрый и избранный плоде.

Радуйся, радости скорбящим и милости с верою у тебе просящим подателю;

радуйся, печалей злых во всяких приключениях отгонителю.

Радуйся, Сергие, скорый помощниче и преславный чудотворче.

## Кондак 2

Видящи вся Россия и иныя страны данною тебе, преподобне отче Сергие, благодатию Божию, с верою к святым твоим мощем приходящим, и скорое вспоможение, и присное преславное чудес творение, удивляются. И мы все, веселящеся, яко имеем такового милостиваго помощника, Прославльшаго тя прославляюще и тя, благаго раба и вернаго слугу Господня, восхваляюще, вопием Ему: Аллилуия.

## Икос 2

Разум, еще сущу ти во чреве матери, Святую Троицу прославити Иисус Христос даровавый, и веру крепкую, надежду несомненную, любовь истинную к Нему имети утвердивый, сподоби тя во имя Святых Троицы преславный храм и обитель чудную устроити, и во ону множество инок собрати. Сего ради верни научишаася воспевати тебе тако:

Радуйся, честное Пресвятых Троицы носило и похваление;  
радуйся, добре стадо, тобою собранное, во спасение наставляй.  
Радуйся, честный образе агнцем и пастырем;  
радуйся, правило веры и образе кротости духовныя.  
Радуйся, святыням чистое и непорочное жилище;  
радуйся, еще при жизни сподобившийся видети Пресвятую Богородицу со двема апостолами.

Радуйся, удостоившийся во время совершения литургии сослужения ангельского;  
радуйся, во святую литургию в благодати Божией весь, аки во огни, стоящий.

Радуйся, оным Божественным огнем, в потир вшедым, причаствившийся;  
радуйся, достоин бывший ангельского собеседования.

Радуйся, преисполненный всякия благостины;  
радуйся, чистоты душевныя и телесныя усердный хранителю.

Радуйся, Сергие, скорый помощниче и преславный чудотворче.

## Кондак 3

Силою, данною ти свыше, будущая, яко настоящая, созерцая, возвещал еси, и великому князю Димитрию о победе многочисленных прегордых агарян, хотящих Россию огнем и мечем опустошити, прорекл еси, и от своего иноческого лика двух монахов на противных в помощь дал еси, и молитвою твою святою к Богу вопия, на агаряны победу сотворил еси. За еже тя прославляюще и о таковой же твоей на сопротивных православному воинству помощи просяще, Богу вопием: Аллилуя.

## Икос 3

Имуще помышление родителie твои и людие о трикратном твоем во чреве матернем в церкви глашении и удивльшеся, разумеша нечто преславное и чудное быти: и по сих уведевише твое радостное рождение, радовахуся и радостная тебе приношау, глаголюще:

Радуйся, отроча добродушевное и благонадежное;  
радуйся, детище, всякия благодати Божия исполненное.  
Радуйся, пречудное в младенчестве постничество нам являй;  
радуйся, оным многих приводяй во удивление и увеселяй.  
Радуйся, яко с тобою всегда бе благодать Господня;  
радуйся, от юности твоея всем сердцем и мыслию Бога возлюбивый.  
Радуйся, кротость, смирение и бдение имевый;  
радуйся, вся мира сего красная, яко скоро исчезающая, презревый.  
Радуйся, вся плотския похоти Бога ради умертвивый;  
радуйся, многообразныя козни лукаваго силою Божиєю победивый.  
Радуйся, многия люди от греховнаго пути ко Господу обративый и спасый;  
радуйся, яко тобою сладостей духовных исполняемся.  
Радуйся, Сергие, скорый помощниче и преславный чудотворче.

## Кондак 4

Бури жития мира сего, присно внутренними и внешними злостраданием волнующагося, преподобне отче Сергие, избавився, пришел еси во пристанище немягкое небесное, на места злачна и прохладна, идеже потоцы сладости неисповедимыя, пища славы Божия нетленная, пения и гласы празднующих. Тамо почиваеши и веселишися, со всеми ангельскими силами поя Богу: Аллилуя.

## Икос 4

Слышаша, преподобне отче Сергие, ближнии и дальнии ангелоподобное твоє житие и благодати чудес струю выну текущую, яко молитвою твою прокаженни очищаются, слепии прозирают, хромии ходят и разнообразных недуг с верою притекаюши здравие улучают, сих избавльшеся, вопияху к тебе таковая:

Радуйся, мироварнице, на вся недуги врачевание подавающая;  
радуйся, безмездно паче естества врачу скоромилостивый.  
Радуйся, милости превеликия и скорбным сострадания сокровище;  
радуйся, всеусердна о людех промышления приятелище.  
Радуйся, душу свою за человека положити готовый;  
радуйся, увеселение и отрада к тебе прибегающим.  
Радуйся, мертвца преславно молитвою твою ожививый;  
радуйся, оскудение монастырское в пищи исполнивый.  
Радуйся, в сусе месте поток водный тещи у Бога испросивый;  
радуйся, яко таяжде вода, молитвою твою исцеляющи недуги, чудодействует.  
Радуйся, чудес пучино, Богом излиянная;  
радуйся, желаемых благ пришедшим к тебе подателю.  
Радуйся, Сергие, скорый помощниче и преславный чудотворче.

## Кондак 5

Боготечная пресветлая звезда явился еси, преподобне отче Сергие, небо церковное украшай и всех блудящих по морю страстного жития сего данною тебе от Солнца Правды Христа Иисуса, истинного Бога, благодатию озаряй, мрак печалей и мглу всяких недуг и скорбей прогоняй, наставляеши всех к тебе с верою притекающих на путь спасенный, к вечному Небесному Отечеству ведущий, поюющих Богу: Аллилуия.

## Икос 5

Видев преподобный Сергий, яко в мире сем всяческая суeta и тлению причастна, пот-  
щася вседушно Превечному Богу благоугодити, и воистину не вотще потрудися: премени бо  
тленная на нетленная, наипаче же предстояния сподобися у страшного Престола Владычня в  
славе вечней. Темже вопием ему:

Радуйся, яко идеже Христос в телеси, таможде и ты пребываеши;  
радуйся, тамо, яко в зерцале, в Бозе вся Ему любезная созерцаеши.

Радуйся, яко созерцая в Нем молящихся ти о помощи, молитвою твою им полезная  
ходатайствуеши;

радуйся, скорый помощниче призывающим тя во бранех православным.

Радуйся, молитвою твою Российской стране победы на противных подаваяй;  
радуйся, скорбящим скоропредстательный утешителю.

Радуйся, немощей телесных и душевных немздоприемный исцелителю;  
радуйся, многая чудеса благодатию Духа Святаго содеваяй.

Радуйся, хромым хождение и слепым прозрение подаваяй;  
радуйся, грозд винный, питающий нас и веселящий.

Радуйся, розго Христа лозы истинныя, мног плод в пособие православным творящая;  
радуйся, благий рабе и верный, и добрый делателю винограда Христова.

Радуйся, Сергие, скорый помощниче и преславный чудотворче.

## Кондак 6

Проповедует держава Российская, богомудре Сергие, труды твоя и болезни, бдение же и сухоядение, ради душевнаго твоего спасения подъятыя, егоже ради прослави тя Господь славою Свою Божественною. Темже, яко рай насажденный, в Церкви явился еси, имущи древо жизни Самаго Господа, от Негоже вкушивши вся скоро гибнущая в мире сем презирают и радостно в прекрасный виноград вышний входят, идеже ты, предстоя Ему, вопиеш: Аллилуя.

## Икос 6

Возсия Церкви и стране нашей Российской просвещение совершенных твоих добродетелей, преподобне отче Сергие, о нихже благодаряще Отца Небеснаго, давшаго тебе толикую благодать величия Своего, к тебе, яко к теплому о нас молитвеннику, радостная воспеваем тако: Радуйся, ангельское житие нам являяй; радуйся, страсти греховныя уставляй.

Радуйся, образе истиннаго смирения;  
радуйся, зерцало совершенного терпения.  
Радуйся, наставниче великий спасению;  
радуйся, приводяй грешных ко исправлению.  
Радуйся, известный исполнителю заповедей Христовых;  
радуйся, душ немощных исцеление.  
Радуйся, милостыню творити научаяй;  
радуйся, ризы и брашна немощным подавати повелеваяй.  
Радуйся, пустынниче, мирскую честь и богатство возненавидевый;  
радуйся, постниче, от юности Богу послуживый.  
Радуйся, Сергие, скорый помощниче и преславный чудотворче.

## Кондак 7

Хотя избран дом Духу Святому себе сотворити, потщался еси тесным и прискорбным путем, ведущим в жизнь вечную, взем на рамо свое Крест Христов, шествовати, еже благодатию Божию от юности твоей непорочно в творениях заповедей Господних совершив, достигл еси уготованного тебе в небесном всевеселом пребывании воздаяния, и тамо благодарственно поеши Богу: Аллилуя.

## Икос 7

Новую благодать показа всех Творец и Владыка тебе, богоумдре Сергие: аще бо и умерл еси на земли плотию, но душею в вышнем селении всегда жив сый, многая и преславная чудеса в мире живущим людем действуешি, и теплым твоим ходатайством пособствуешি, волиющим к тебе таковая:

Радуйся, девственниче душею и телом;  
радуйся, иноком наставниче предивный.  
Радуйся, душ наших радование;  
радуйся, быстрое нищим услышание.  
Радуйся, скорбящим приятное попечение;  
радуйся, чистоты усердный хранителю.  
Радуйся, ненадежным надеяние;  
радуйся, всея России увеселение.  
Радуйся, древо чудоточное рая Иисусова;  
радуйся, крине райского прозябения.  
Радуйся, миро Христова благоухания;  
радуйся, яко тобою приносится радование.  
Радуйся, Сергие, скорый помощниче и преславный чудотворче.

## Кондак 8

Странное и преславное чудо является притекающим к тебе, богомудре Сергие: ибо даною тебе Божию благодатию с верою просящим немедленно от всяких многообразных телесных и душевных скорбей исцеляяши, от бед избавляяши, от напастей охраняяши, и всем всяко благополезное прошение исполняяши, и вопиеши Богу: Аллилуя.

## Икос 8

Весь еси, преподобне отче Сергие, в выших, но и низких не оставляеши: присно со Христом Царем Вечным царствуеши и нас, грешных и недостойных, пред Ним воспоминаеши, моляся о спасении нашем. Темже от усердия нашего вопием к тебе сице:

Радуйся, оставльши имене и возлюбивый нищету Христову;  
радуйся, достигший к неистощимому богатству.  
Радуйся, Духу Святому подклонивыйся со всяким смирением;  
радуйся, воине Христов непобедимый явльшийся.  
Радуйся, крилома богомыслия сети вражия сокрушивый;  
радуйся, смирением возвышаемый, в вечныя кровы возлетевый.  
Радуйся, просвещенный внутрь благодатию;  
радуйся, истребивый страстей мглу душевредную.  
Радуйся, в подвизех дневных и нощных течение совершивый;  
радуйся, в невечернем дни Царствия Божия присно почиваяй.  
Радуйся, тамо снедения пищи разумныя сподобльшийся;  
радуйся, яко того блаженства от Бога вечно удостоивыйся.  
Радуйся, Сергие, скорый помощниче и преславный чудотворче.

## Кондак 9

Всякое естество ангельское удивися великому свыше тебе дарованию, яко на земли невещественное житие показал еси, и во плоти, аки безплотен, явился еси. Сего ради многих чудес творения от Господа прием, чистою и боголюбезною душею твою Того благостию к Небесным причтен еси силам, в Небесех ныне поеши всесильному Богу: Аллилуйя.

## Икос 9

Витии многовещаний недоумеют достойно славити тя, достойный всякия славы, славне преподобне отче Сергие, ибо пачеественная многая преславная чудодействия, еще жив сущ, показал еси, но и по смерти тая благодатию Божию творити не престаеши. Мы же, любовию понуждаеми, дерзаем пети тебе сице:

Радуйся, земный ангеле и небесный человече;  
радуйся, во плоти живый духовно, на земли небесно.  
Радуйся, в человечестве пребываяй ангельски, в мире премирно;  
радуйся, душевными твоими очима выну Господа созерцавый.  
Радуйся, пред лицем Божиим, яко раб пред Господем, ходивый;  
радуйся, пред Оным, яко сын пред Отцем, яко ученик пред Учителем, шествовавый.  
Радуйся, яко воин пред Воеводою готов сый вся повеленная Им творити;  
радуйся, добрый стада своего иночествующих наставниче и правителю.  
Радуйся, шествовавый от силы в силу, дондеже явися тебе Бог богов в Сионе;  
радуйся, Единаго Господа возлюбивый и к Нему очеса своя выну имевый.  
Радуйся, во вся дни живота своего Его искавый и в Нем намерение полагавый;  
радуйся,ничесого на Небеси и на земли, разве Христа Иисуса, видети желавый.  
Радуйся, Сергие, скорый помощниче и преславный чудотворче.

## Кондак 10

Спасти хотя душу твою, в юности возраста своего отрекся еси воли своея и во знамение отсечения ея постригл еси власы главы своея, и был еси монах, покоривый себе воли Божией и начальником, от Него поставленным, ихже веления тако слушал еси, яко Самаго Господа, никогда же прекословя, но слову веления исполнением дела отвещавая. Всяческая же приключения благодарно, яко верный раб, от Господа принимал еси, Ему же на Небесех предстоя, ныне вопиеши: Аллилуйя.

## Икос 10

Стена еси всем человеком, к заступлению твоему прибегающим, преподобне богомудре Сергие. Темже и нам, к тебе приходящим и милостиваго твоего во всяких нуждах заступления у Царя Небеснаго просящим, буди стена крепкая и ограждение непреоборимое, от всяких нас бед и напастей застеняя и ограждая, за еже мы вопием тебе таковая:

Радуйся, воине Царя Небеснаго, не обязавыйся куплями житейскими, да Ему угоден будеши;

радуйся, не восхотевый двема господинома, Богу и миру, работати, но Единому Богу точию.

Радуйся, от юности на тело свое, на мир сей и диавола вооруживыйся;

радуйся, постом, поклоны, стоянием на молитве, бдением умертвивый плоть свою.

Радуйся, умертвивый оную прежде, нежели она жива страстем бяше;

радуйся, мертву содеявый гортань противу приемания сластей.

Радуйся, мертвъ сотворивый язык противу глаголания скверных, клеветных и ложных;

радуйся, мертвы устроивый ушеса противу слышания душевредных.

Радуйся, мертвы содеявый руце противу грабления и всяких зол творения;

радуйся, мертвъ сотворивый чрево противу объядения и пиянства.

Радуйся, мертвъ соделавый трудами чресла своя противу нечистоты;

радуйся, мертвы сотворивый нозе противу течения в путь грешников и на совет нечестивых.

Радуйся, Сергие, скорый помощниче и преславный чудотворче.

## Кондак 11

Пение благодарственное благотворителю Христу Иисусу, тя, преподобне отче, прославляюще, вси православнии взывают, яко даровал ти многих чудес силу творения: слепыя просвещати, прокаженныя очищати, больныя врачевати, бесныя от демонского дручения свобождати, толико сильне, якоже и не у приведенным к тебе бывшим бесным, еще на пути демони от них отбегаху и ктому не возвращахуся, боящеся в тебе силы Божия, юже выну в Небесех прославляя, вопиеши Богу: Аллилуия.

## Икос 11

Светозарное светило в православной Российской державе и во всей вселенней благодатию немерцающего Солнца, Христа Иисуса, просвещающею возсиявшее, зrim тя, богоумдре отче: с невещественными бо в выших предстоя Престолу Троицы Пресвятая, радости превеликия исполнен еси и Божественными лучами Трисолнечнаго Света осияваемъ, облистаеши верныя, вопиющия к тебе таковая:

Радуйся, возшедый на гору превысоку добродетелей Божественных;  
радуйся, яко от тоя удобъ возшел еси на гору небесную.  
Радуйся, яко от обители земныя во обитель небесную водворился еси;  
радуйся, яко восходя тамо душею, нам мощи твоя святыя оставил еси.  
Радуйся, яко мощи твоя исцелевают всякия скорби и болезни;  
радуйся, яко мощей твоих демони трепещут.  
Радуйся, яко твоя мощи комуждо в приключшихся печалех бывают увеселение;  
радуйся, душею востекий в Сион Горний к Царю Небесному.  
Радуйся, яко тамо предстоя, о всех к Нему тепле ходатайствуеши;  
радуйся, яко благоутробие Его о всех чтуших память твою умилостивляеши.  
Радуйся, стране нашей на противных победу молитвою твою содеваеши;  
радуйся, всем верным всякое прошение во их пользу исполняеши.  
Радуйся, Сергие, скорый помощниче и преславный чудотворче.

## Кондак 12

Благодать, данную ти от Бога, сведуще, тебе, приснаго нашего милостиваго отца, прилежно просим: пролей ныне теплую твою молитву о нас, грешных, ко Господу, яко да прerezв вся наша согрешения, дарует победы на враги, яко царю Константину на Максентия, яко Давиду на Голиафа; державу Российскую да укрепит, Церковь Свою Святую от распрай и расколов непозыблему да сохранит, обилие всяких плодов земли да дарует и вся православныя христианы да спасет и помилует, чесого от Него твоими молитвами улучити ожидающе, вопием Ему: Аллилуя.

## Икос 12

Поюще дивнаго во святых Своих Царя Небеснаго, прославльшаго тя, вернаго Своего раба, преподобнаго отца Сергия, милостивое твое, скорое нам во всяких нуждах и печалех поможение прославляем, ибо в тебе в Троице прославляемый Бог наш преславным многим чудодействием дивно прославися, о чесом удивляющеся вопием к тебе сице:

Радуйся, великославный российский наш заступниче, отче Сергие;  
радуйся, совершенный в добродетелех человече.

Радуйся, дивный подражателю совершенства Отца нашего Небеснаго;  
радуйся, преблагий и добрый наставниче иноков.

Радуйся, образе пустыножителей и устроителю общаго жития;  
радуйся, всех православных скорый помощниче и заступниче.

Радуйся, Царя Небеснаго и Бога известный умилостивителю;  
радуйся, многажды заступлением твоим прошения предваряй.

Радуйся, покрове, Богом зданный, имже покрываются мнози;  
радуйся, ленивых подвигнувый твоими христоподражательными нравы.

Радуйся, доброзначное света евангельского всесветлое сияние;  
радуйся, Трисолнечнаго Святыя Троицы света выну просвещающее озарение.

Радуйся, Сергие, скорый помощниче и преславный чудотворче.

## Кондак 13

О чудотворче преславный и заступниче всем нам во всяких бедах и скорбех скорый и пречудный, богомудре отче Сергие! Нынешнее наше приими приношение и богоприятным твоим ходатайством умоли Господа силу свыше православному нашему воинству на сопротивные подати, и нам всем, Того благодатию очистившимся, от геенны избавитися, и грядущая в Небесех благая улучити, вопиющим Ему: Аллилуйя.

*Этот кондак читается трижды, и снова 1й икос и 1й кондак:*

## Икос 1

Ангелов Творец, предуведевый, по самовластному чистаго сердца твоего изволению, все-усердствующее Его воли исполнение, еще во чреве матери трикратным возглашением, показа-ти миру истиннаго служителя быти Святыя Троицы и научи всех волити тебе сице:

Радуйся, прежде век, яко имаши верный раб Христов быти, предусмотренный;

радуйся, во оно же время во блаженное и небесное жилище предустановленный.

Радуйся, от чрева матери на службу Небеснаго Царя, яко воин, хотящий верен Ему быти, призванный;

радуйся, яко благодатию Божию оправданный.

Радуйся, не точию в России, но и во всей вселенней прославленный;

радуйся, трикратным твоим во чреве возглашением родителей и всех слышащих удиви-вый.

Радуйся, по рождении своем постное иноческое житие показавый;

радуйся, от сосца матери воздержание чудное явивый.

Радуйся, яко в среду и пяток молека никакоже вкусивый;

радуйся, родителей благих добрый и избранный плоде.

Радуйся, радости скорбящим и милости с верою у тебе просящим подателю;

радуйся, печалей злых во всяких приключениях отгонителю.

Радуйся, Сергие, скорый помощниче и преславный чудотворче.

## Кондак 1

Возбранный от Царя сил, Господа Иисуса, данный России воеводо и чудотворче предивный, преподобне отче Сергие! Прославляюще мы прославльшаго тя славы Господа, благодарственное пение воспеваем ти, ибо молитвами твоими от нашествия иноплеменник и скорбных обстояний нас присно избавляеши, яко имея дерзновение ко Господу, от всяких нас бед свободи, да зовем ти:

Радуйся, Сергие, скорый помощниче и преславный чудотворче.

## Молитва

**О** священная главо, преподобне и Богоносне отче наш Сергие, молитвою твою, и верою, и любовию, яже к Богу, и чистотою сердца, еще на земли во обитель Пресвятыя Троицы душу твою устроивый, и ангельского общения и Пресвятыя Богородицы посещения сподобивыйся, и дар чудодейственныя благодати приемый, по отшествии же твоем от земных наипаче к Богу приближивыйся, и небесныя силы приобщивыйся, но и от нас духом любве своея не отступивый, и честныя твоя мощи, яко сосуд благодати полный и преизливающийся, нам оставилый! Велие имея дерзновение ко Всемилостивому Владыце, моли спасти рабы Его, сущей в тебе благодати Его верующия и к тебе с любовию притекающая. Испроси нам от Великодаровитаго Бога нашего всякий дар, всем и коемуждо благопотребен, веры непорочны соблюдение, градов наших утверждение, мира умирение, от глада и пагубы избавление, от нашествия ино-племенных сохранение, скорбящим утешение, недугующим исцеление, падшим возставление, заблуждающим на путь истины и спасения возвращение, подвзывающимся укрепление, благо-делающим в делах благих преуспеяние и благословение, младенцем воспитание, юным наставление, неведущим вразумление, сиротам и вдовицам заступление, отходящим от сего времененаго жития к вечному благое уготовление и напутствие, отшедшим блаженное упокойение, и вся ны споспешствующими твоими молитвами сподоби в день Страшного суда шуя части избавитися, десныя же страны общники быти и блаженный оный глас Владыки Христа услышати: приидите, благословеннии Отца Моего, наследуйте уготованное вам царствие от сложения мира. Аминь.

Текст акафиста приводится по следующему изданию: Акафистник . Ч. I. - М.: Издание Московской Патриархии, 1992. - С. 241-249. - По благословению Святейшего Патриарха Московского и всея Руси Алексия II.



*Икона великомуученика и целителя Пантелеймона*

## **Акафист великомученику и целителю Пантелеймону**

### **Кондак 1**

Избранный страстотерпче Христов и врачу благодатный, туне подаяй недугующим исцеления, песнъми восхваляем тя, заступника нашего. Ты же, яко имеяй дерзновение ко Господу, от всяких бед и болезней свободаждай нас, любовию тебе зовущих:

**Радуйся, великомучениче и целителю Пантелеймоне.**

## Икос 1

Ангела земнаго и небеснаго человека вемы тя, славный Пантелеимоне: ангельскою бо непорочностию и мученичеством украшен, преселился еси от земли на Небо, идеже со Ангелы и всеми святыми предстоя Престолу Господа славы, молися о нас, земных, почитающих тя звании сими:

Радуйся, светлосте благочестия;  
радуйся, преславный светильниче Церкви.  
Радуйся, мучеников пречестных украшение;  
радуйся, верных в непоколебимом терпении утверждение.  
Радуйся, юности преизрядная похвало;  
радуйся, поборниче Христов, в мужестве неодоленный.  
Радуйся, произрастиший в мире, премирен явивыйся;  
радуйся, ангеле во плоти, превосходяй смертных.  
Радуйся, небожителю всеблаженный;  
радуйся, Божественного разума вместилище.  
Радуйся, имже вера возвысися;  
радуйся, имже прелесть низложися.  
Радуйся, великомучениче и целителю Пантелеимоне.

## **Кондак 2**

Видя тя Владыка сосуд избран, возлюби души твоей доброту. Ты бо земную всякую сладость и славу презрев, венцем мученическим возжелел еси украситися, уязвлен Божественною любовию, и вдохновенно пой: Аллилуя.

## Икос 2

Разум богоодухновен имея, о доблый воителю Пантелеймоне, изумил еси царя Максимиана мужеством души твоей и словесы, имиже дерзновенно проповедал еси Христа. Темже похваляюще дерзновение твое, глаголем ти сице:

Радуйся, угрозы Максимиана презревый;  
радуйся, советом нечестивых не покоривыйся.  
Радуйся, насаждение истиннаго богопочитания;  
радуйся, искоренение демонскаго служения.  
Радуйся, неистовства мучителей изобличителю;  
радуйся, идольския прелести низложителю.  
Радуйся, разгнавый нечестивых соборища;  
радуйся, пременивый тленная на небесная.  
Радуйся, собеседниче невещественных Ангелов;  
радуйся, сливковствователю многострадальных святых.  
Радуйся, имже сатана посрамися;  
радуйся, имже Христос прославися.  
Радуйся, великомуучениче и целителю Пантелеймоне.

## Кондак 3

Силою Вышняго, дарованною тебе, и крепким терпением твоим обезсилил еси мучите-  
леву дерзость, мужественный победоносче: огня, зверей, колеса не убоявся и мечем усечен во  
главу, венец победы приял еси от Христа Бога, взывая Ему: Аллилуйя.

## Икос 3

Имущи обитель твоя вседрагую главу твою, богоумдый страстотерпче, яко превеликое сокровище, радости исполняется о сем, и любовию воспевающи данную тебе от Бога благодать исцелений, благодарно зовет ти:

Радуйся, Никомидии светильниче всесветлый;  
радуйся, чтущей тя обители страже неусыпный.  
Радуйся, имже охладе безбожие;  
радуйся, имже возрасте богопознание.  
Радуйся, светлая страстотерпцев славо;  
радуйся, радостное православных слышание.  
Радуйся, исцелений благодатный источниче;  
радуйся, дарований великих вместилище.  
Радуйся, благовонное миро, облагоухающее души;  
радуйся, яко помогаеш призывающим тя.  
Радуйся, слепым зрение даровавый;  
радуйся, хромым благошествие устроивый.  
Радуйся, великомуучениче и целителю Пантелеймоне.

## Кондак 4

Бурею помышлений многобожия одержим, нечестивый царь смутился, уведев от завист-  
вовавших тебе врачев, яко всякия неисцельныя недуги целиши ты именем Христа. Мы же, с  
веселием славяще дивнаго в тебе Бога, вопием Ему: Аллилуя.

## Икос 4

Слышавше никомидийстии людие о великом сострадании твоем к страждущим и о безмездном врачевании от всяких болезней, устремишаися вси к тебе, с верою во врачающую благодать, в тебе сущую, и приемлюще скорая исцеления от всяких болезней, прославляху Бога и тебе величаху, всемилостиваго целителя своего, зовуще ти:

Радуйся, помазанный миром благодати;

радуйся, храме Бога освященный.

Радуйся, великая благочестивых славо;

радуйся, твердая озлобляемых стено.

Радуйся, мудрых превосходяй разумом;

радуйся, верных осиявай мысли.

Радуйся, Божественных даров приятелище и многообразных нам милостей Господних источниче;

радуйся, скорый помощниче страждущим.

Радуйся, обуреваемых пристанише;

радуйся, заблуждших наставниче.

Радуйся, болящих туне врачуяй;

радуйся, обильно исцеления источаяй.

Радуйся, великомучениче и целителю Пантелеймоне.

## Кондак 5

Чудо преславное сотвори с тобою Господь, егда чрез служителя Своего Ермолая призыва  
ти в чудный Свой свет. Ехидною бо велиею угрызенно умершее отроча по молитве твоей ко  
Христу аbie оживе и воста здраво. Познав убо Жизнодавца всех Истиннаго Бога, с твердою  
верою воззвал еси Ему: Аллилуия.

## Икос 5

Узре свет слепый, ему же с призыванием имене Христова прикоснулся еси ты, славне. Ермолаем бо пресвiterом просвещен, отринув отеческое многобожие, восприял еси матернее благочестие, имже и отца просветил еси. Сего ради тебе, славному угоднику Божию и чудному врачу, вызываем:

Радуйся, к Богу велие рачение имеай;  
радуйся, присногорящий огню Божественныя любве.  
Радуйся, деятельный послушателю священных поучений Ермолая;  
радуйся, последовавый советам матере твоей Еввулы.  
Радуйся, яко вся раздал еси, да Христа приобрящеши;  
радуйся, любовь к миру любовию Божию победивый.  
Радуйся, яко вместо сладких мира за Христа лютая страдания приял еси;  
радуйся, яко общник сотворился еси Страстем Христовым.  
Радуйся, восторжествовавый над всеми страстьюи;  
радуйся, украсивыйся благодатным безстрастием.  
Радуйся, исполняй радости притекающая к тебе;  
радуйся, туне исцеляй всех благодатию Христовою.  
Радуйся, великомучениче и целителю Пантелеймоне.

## **Кондак 6**

**Проповедник истины явися просвещенный тобою телесне и душевне слепец: подобно бо евангельскому слепцу, дерзновенно пред всеми исповеда Света Истиннаго Христа, просвещающа всякаго человека, нечестиваго же царя и боги языческия укорив, чрез мечное усечение взыде к немерцающему свету на Небеси пети Богу: Аллилуйя.**

## Икос 6

С светлым лицем представ судилищу цареву, дерзновенно взывал еси, преблаженне, во услышание всех: всецелебная сила моя и слава Христос есть Истинный Бог, Владыка всех, мертвя воскрешаяй и всяк недуг отгоняй. За таковое исповедание ублажающе тя, глаголем:

Радуйся, уста громогласная Божества Христова;  
радуйся языче медоточный, вещаий Его домостроительство.  
Радуйся, ветие превысшаго Богословия;  
радуйся, сеятелю мудрый благочестия.  
Радуйся, сладкозвучная веры свирель;  
радуйся, славный проповедниче Православия.  
Радуйся, прежде смерти явивый дивная;  
радуйся, по смерти совершаяй чудная.  
Радуйся, зрителю славы Христовы;  
радуйся, послушателю молящихся тебе.  
Радуйся, подателю милости тоя требующим;  
радуйся, ходатаю благ почитающим память твою.  
Радуйся, великомуучениче и целителю Пантелеимоне.

## **Кондак 7**

Миро излияся на душу твою, богомудрый целебниче, от Утешителя Духа; темже по смерти честныя останки твоя, благоуханием своим страстей злосмрадие отгоняя, исцеление подают вопиющим верою Богу: Аллилуйя.

## Икос 7

Егда узреша идольстии чтители многолетна расслабленна, молитвою твою, святе, воз-  
двигнута и ходяща, мнози увероваша во Христа; жрецы же бесовстии, завистию снедаеми,  
подвигоша царя на ярость. Тебе убо нещадно за Христа стружему и опаляему бывшу, со уми-  
лением зовем:

Радуйся, наслаждения земная презревый;  
радуйся, благ вещественных превысший.  
Радуйся, яко вся красная мира сего ни во что же вменил еси;  
радуйся, яко славу скоротекущую с себе отрясл еси.  
Радуйся, неуловим пребывый ловлении Велиара;  
радуйся, победивый мучителей коварства.  
Радуйся, не пощадивый за Христа жизни своея;  
радуйся, враг явивыйся враждебныя плоти.  
Радуйся, многобожия широту утеснивый;  
радуйся, Божественною силою идолы поправый.  
Радуйся, острейшая стрело, язвящая враги;  
радуйся, предстателью, заступаяй верующия.  
Радуйся, великомучениче и целителю Пантелеймоне.

## Кондак 8

Страннолепно являшеся тебе Господь, ободряя и соблюдая в мучениях за имя Его: во образе бо пресвитера Ермолая, клокочущее олово, в неже ввержен был еси, охлади, и в мори отрешив велий камень от выи твоея, изведе неврежденна на землю. Ты же, паки представ пред царя, торжественно пел еси Христу Богу: Аллилуия.

## Икос 8

Весь умне на Небеси водворяяся, и низу на земли сущих не оставляеши, сопребывая с нами всечестною главою твою, великий страстотерпче Христов, приемля от Господа и подая просвещение и освящение вопиющим тебе таковая:

Радуйся, премудрости Божественныя исполненный;  
радуйся, промышления Божия о нас таинниче.  
Радуйся, богоумденных умов услаждение;  
радуйся, боголюбивых душ увеселение.  
Радуйся, пресветлый Христов бисере;  
радуйся, освященный душею и телом.  
Радуйся, во дворех перворожденных на Небеси вселивыйся;  
радуйся, в присноблаженных обитаяй чертозех.  
Радуйся, света Троического зрителю;  
радуйся, в молитвах к Богу теплый о нас представителю.  
Радуйся, просвещение душам подаваяй;  
радуйся, скорбящим утешение ниспосылай.  
Радуйся, великомуучениче и целителю Пантелеимоне.

## **Кондак 9**

Всякое естество удивися, Пантелеимоне, сиянию в тебе благодати и богатству добродетелей: ангелоподобней чистоте твоей, великому мужеству в лютых страданиях, крепкой любви ко Христу и многому состраданию к людем, в нихже твориши преславная, во еже пети: Аллилуия.

## Икос 9

Ветия многовещанныя не возмогут по достоянию восхвалити борения твоя, славный добropобедниче, како непобедимою силою Божиєю, юный леты сый, победил еси древняго и исконнаго врага и посрамил еси идолъскую прелесть. Мы же, удивления исполнении, зовем ти:

Радуйся, радостное зрелище Ангелов;  
радуйся, благоговейное удивление человеков.  
Радуйся, кровь за Христа излияный и в смерти млеко источивый;  
радуйся, тело за Него мученической смерти предавый.  
Радуйся, исповедничества правило;  
радуйся, доблий воине Царя царей.  
Радуйся, тьмы державца победивый;  
Радуйся, победою твою небесных и земных обвеселивый.  
Радуйся, горняго мира обитателю блаженный;  
радуйся, дольняго мира мудрый странниче.  
Радуйся, древо, украшенное плодами благодатных дарований;  
радуйся, носяй добropобедныя ветви.  
Радуйся, великомуучениче и целителю Пантелеймоне.

## Кондак 10

Сострадания исполнен, яко истинный подражатель Подателя милости Господа, честный страдальче, Пантелеймоном (си есть, всемилостивым) от Него проименован еси, на вся прите-кающая к тебе милость изливая, юже и нам неоскудно источай, о тебе вопиющим Богу: Алли-луия.

## Икос 10

Стену тя тверду обрет мучитель, никиими же муками победиму, покусися сокрушити крепость твою зубы зверей и остриями мучилищного колеса, обаче и в сем ничтоже успе: сила бо Христова лютость зверей укроти, а страшное коло, на немже обращаемо бе тело твое, аbie сокрушился.

Тебе убо непобедимому страстотерпцу зовем:  
Радуйся, честное Христово избрание;  
радуйся, непорочное Богови благоухание.  
Радуйся, твердый адаманте Церкве;  
радуйся, непоколебимый столпе, досязаяй до Небесе.  
Радуйся, звери видимыя укрощаяй;  
радуйся, драконов невидимых сокрушаяй.  
Радуйся, обагренный твою за Христа кровию, срастворенною млеком;  
радуйся, неувядаемая приемый венцы.  
Радуйся, радость даровавый Ангелом и человеком;  
радуйся, прославленный Богом на Небеси и на земли.  
Радуйся, небожителю, ликовствуяй с мученики;  
радуйся, насыщаяйся лицезрением Христа пресладким.  
Радуйся, великомучениче и целителю Пантелеймоне.

## Кондак 11

Песнь исходную приносим твоему за Христа заколению священному, в немже вместе с кровию млеко истече от тебе, великомучениче, и масличина, под неюже усечен был еси, исполнися целительных плодов. Темже Христу, дивно прославляющему славящия Его, тепле вопием: Аллилуйя.

## Икос 11

Светозарная луча был еси, богоумдре, во тьме многобожия седящим, путеводящая к Солнцу Правды Христу Богу, Ему же молися во свете заповедей Его присно пребывать и нам, сицевая радостная тебе приносящим:

Радуйся, пресветлая звездо, на мысленной тверди блистающая;  
радуйся, луча, христоименитым людем светящая.  
Радуйся, таинственно облиставаемый от Солнца Христа;  
радуйся, умне землю обтекаяй.  
Радуйся, селение красное Пресвятаго Духа;  
радуйся, сосуде пречестный, изливаяй исцеления.  
Радуйся, чистоты сокровище;  
радуйся, милости тезоимените.  
Радуйся, Царствия Небеснаго наследниче;  
радуйся, вечныя славы сопричастниче.  
Радуйся, предстателю бедствующим в мори житейстем;  
радуйся, безсребренниче, помогаяй призывающим тя с верою.  
Радуйся, великомуучениче и целителю Пантелеймоне.

## Кондак 12

Благодати обилие приял еси, треблаженне, по обилию любве твоєя ко Христу Богу, Иже и яви тя многоцелебным источником, безмездно врачующим душевныя и телесныя болезни притекающих к тебе с верою и Богу вопиющих: Аллилуя.

## Икос 12

Поюще многострадальныя подвиги твоя за Христа, славный страстотерпче, хвалим долготерпение твое, ублажаем мученическую кончину, почитаем и священную память твою, заступниче наш и целителю, и в похвалу сицевая тебе зовем:

Радуйся, благочестия трубо благозвучная;  
радуйся, мечу, посецаяй нечестие.  
Радуйся, строганный на древе за Распростершаго руце Свои на древе Крестнем;  
радуйся, яко опаляемь за Него, прелести пещь угасил еси.  
Радуйся, язвами твоими враги уязвивый;  
радуйся, кровию твою токи идолъскихя крове изсушивый.  
Радуйся, в кипящее олово вверженный за Христа;  
радуйся, погруженный за имя Его в водах морских.  
Радуйся, промышлением Божиим неврежден в сих пребывый;  
радуйся, яко чрез огнь и воду мучения вшел еси в покой небесный.  
Радуйся, изливаяй неизсякаемыя струи милости верным;  
радуйся, благосострадательный врачу, исцеления благодать подаваяй.  
Радуйся, великомуучениче и целителю Пантелеймоне.

## Кондак 13

О многострадальный и предивный страстотерпче Христов и целителю наш Пантелеимоне! Милостиво прием сие малое от нас приношение, от многообразных недугов исцели ны и представительством твоим сохрани от враг видимых и невидимых, и вечнаго мучения избави-  
тися нам Господа умоли, да во Царствии Его выну воспеваем: Аллилуия.

*Этот кондак читается трижды, и снова 1й икос и 1й кондак:*

## Икос 1

Ангела земнаго и небеснаго человека ве мы тя, славный Пантелеимоне: ангельскою бо непорочностию и мученичеством украшен, преселился еси от земли на Небо, идеже со Ангелы и всеми святыми предстоя Престолу Господа славы, молися о нас, земных, почитающих тя звании сими:

Радуйся, светлосте благочестия;  
радуйся, преславный светильниче Церкви.  
Радуйся, мучеников пречестных украшение;  
радуйся, верных в непоколебимом терпении утверждение.  
Радуйся, юности преизрядная похвало;  
радуйся, поборниче Христов, в мужестве неодоленный.  
Радуйся, произрастиший в мире, премирен явивыйся;  
радуйся, ангеле во плоти, превосходяй смертных.  
Радуйся, небожителю всеблаженный;  
радуйся, Божественного разума вместилище.  
Радуйся, имже вера возвысися;  
радуйся, имже прелесть низложися.  
Радуйся, великомучениче и целителю Пантелеимоне.

## Кондак 1

Избранный страстотерпче Христов и врачу благодатный, туне подаяй недугующим исцеления, песнями восхваляем тя, заступника нашего. Ты же, яко имеяй дерзновение ко Господу, от всяких бед и болезней свободаждай нас, любовию тебе зовущих: Радуйся, великомучениче и целителю Пантелеймоне.

## Молитва

**О великий Христов угодниче и преславный целебниче, великомучениче Пантелеймоне!**  
Душею на Небеси Престолу Божию предстояй и триипостасныя Его славы наслаждаяйся, телом же и ликом святым на земли в Божественных храмех почиваяй и данною ти свыше благодатию различная чудеса источаяй, призри милостивым твоим оком на предстоящия люди, честней твоей иконе умильно молящаяся и просящая от тебе целебныя помощи и заступления: прости ко Господу Богу нашему теплыя твоя молитвы и испроси душам нашим оставление согрешений. Се бо мы, за беззакония наша не смеюще возвести очеса наша к высоте небесней, ниже вознести глас молебный к Его в Божестве неприступней славе, сердцем сокрушенным и духом смиренным тебе, ходатая милостища ко Владыще и молитвенника за ны, грешных, призываем, яко ты принял еси благодать от Него недуги отгоняти и страсти исцеляти. Тебе убо просим: не презри нас, недостойных, молящихся тебе и твоема помощи требующих. Буди нам в печалих утешитель, в недузех лютых страждающим врач, напастуемым скорый покровитель, очесем недугующим прозрения датель, ссущим и младенцем в скорбех готовейший представитель и исцелитель: исходатайствуй всем вся, яже ко спасению полезная, яко да твоими ко Господу Богу молитвами получивше благодать и милость, прославим всех благих Источника и Дароподателя Бога, Единаго в Троице Святей славимаго Отца и Сына и Святаго Духа ныне и присно и во веки веков. Аминь.

Текст акафиста приводится по следующему изданию: Акафистник. Ч. I. – М.: Издание Московской Патриархии, 1992. – С. 203–210. – По благословению Святейшего Патриарха Московского и всея Руси Алексия II.



*Икона Святителя Николая Чудотворца*

## **Акафист святителю Николаю Чудотворцу**

### **Кондак 1**

Возбранный Чудотворче и изрядный угодниче Христов, миру всему источай многоценное милости миро и неисчерпаемое чудес море, восхваляю тя любовию, святителю Николае; ты же, яко имей дерзновение ко Господу, от всяких мя бед свободи, да зову ти:

**Радуйся, Николае, великий Чудотворче.**

## Икос 1

Ангела образом, земнаго суща естеством яви тебе всея твари Создатель; благоплодную бо доброту души твоей провидев, преблаженне Николае, научи всех вопити тебе сице:

Радуйся, от утробы материя очищенный;  
радуйся, даже до конца освященный.  
Радуйся, рождением своим родителей удививый;  
радуйся, силу душевную абие по рождестве явивый.  
Радуйся, саде земли обетования;  
радуйся, цвете Божественного саждения.  
Радуйся, лозо добродетельная винограда Христова;  
радуйся, древо чудоточное рая Иисусова.  
Радуйся, крине райского прозябения;  
радуйся, миро Христова благоухания.  
Радуйся, яко тобою отгонится рыдание;  
радуйся, яко тобою приносится радование.  
Радуйся, Николае, великий Чудотворче.

## Кондак 2

Видяще твоих мир излияние, богомудре, просвещаемся душами и телесы, дивнаго тя мироточца живоносна, Николае, разумеюще: чудесы бо яко водами, благодатию Божию изливающимися, напаяеши верно вопиющих к Богу: Аллилуия.

## Икос 2

Разум неуразуменный вразумляя о Святей Троице, был еси в Никеи со святыми отцы поборник исповедания православныя веры: равна бо Отцу Сына исповедал еси, соприсно-сущна и сопрестольна, Ария же безумнаго обличил еси. Сего ради вернии научишаася воспевати тебе:

Радуйся, великий благочестия столпе;  
радуйся, верных прибежища граде.  
Радуйся, твердое Православия укрепление;  
радуйся, честное Пресвятыя Троицы носило и похваление.  
Радуйся, Отцу равночестна Сына проповедавый;  
радуйся, Ария возбесившагося от собора святых отгнавый.  
Радуйся, отче, отцев славная красото;  
радуйся, всех богомудрых премудрая доброто.  
Радуйся, огненная словеса испущаяй;  
радуйся, добре стадо свое наставляяй.  
Радуйся, яко тобою вера утверждается;  
радуйся, яко тобою ересь низлагается.  
Радуйся, Николае, великий Чудотворче.

## **Кондак 3**

Силою, данною ти свыше, слезу всяку отъял еси от лица люте страждущих, богоносе отче Николае: алчущим бо явился еси кормитель, в пучине морстей сущим изрядный правитель, недугующим исцеление и всем всяк помощник показался еси, вопиющим Богу: Аллилуя.

## Икос 3

Имеяше воистину, отче Николае, с Небесе песнь тебе воспеваема быти, а не от земли: како бо кто от человек возможет твою святыни величия проповедати? Но мы, любовию твою побеждаем, вопием ти сице:

Радуйся, образе агнцев и пастырей;  
радуйся, святое очистилище нравов.  
Радуйся, добродетелей великих вместилище;  
радуйся, святыни чистое и честное жилище.  
Радуйся, светильниче всесветлый и вселюбимый;  
радуйся, свете златозарный и непорочный.  
Радуйся, достойный Ангелов собеседниче;  
радуйся, добрый человеков наставниче.  
Радуйся, правило веры благочестивыя;  
радуйся, образе кротости духовная.  
Радуйся, яко тобою от страстей телесных избавляемся;  
радуйся, яко тобою сладостей духовных исполняемся.  
Радуйся, Николае, великий Чудотворче.

## Кондак 4

Буря недоумения смущает ми ум, како достойно есть пети чудеса твоя, блаженне Николае; никто же бо может я исчести, аще бы и многи языки имел и глаголати восхотел; но мы дивно Богу, в тебе прославляющемуся, дерзаем воспевати: Аллилуя.

## Икос 4

Слышаша, богоумдре Николае, ближний и дальний величие чудес твоих, яко по воздуху легкими благодатными крылами навыкл еси сущих в бедах предваряти, скоро от тех избавляя всех, вопиющих к тебе таковая:

Радуйся, избавление от печали;  
радуйся, подаяние благодати.  
Радуйся, нечаемых зол прогонителю;  
радуйся, желаемых благих насадителю.  
Радуйся, скорый утешителю в беде сущих;  
радуйся, страшный наказателю обидящих.  
Радуйся, чудес пучино, Богом излиянная;  
радуйся, закона Христова скрижали, Богом писанная.  
Радуйся, крепкое падающих возведение;  
радуйся, право стоящих утверждение.  
Радуйся, яко тобою всякая лесть обнажается;  
радуйся, яко тобою всякая истина сбывается.  
Радуйся, Николае, великий Чудотворче.

## Кондак 5

Боготечная звезда явился еси, наставляя по морю плавающих люте, имже смерть предстояше вскоре иногда, аще не бы ты предстал еси призывающим тя в помощь, Чудотворче святый Николае; уже бо нестыдно бесом летающим и погрузити корабли хотящим запретив, отгнал еси их, верныя же научил еси спасающему тобою Богу взывать: Аллилуя.

## Икос 5

Видеша отроковицы, на брак скверный нищеты ради уготованныя, великое твое к нищим милосердие, преблаженне отче Николае, егда старцу родителю их ношию узельцы три злата таяся подал еси, самаго со дщерьми избавляя от падения греховнаго. Того ради слышиши от всех сице:

Радуйся, милости превеликия сокровище;  
радуйся, промышления о людех приятелище.  
Радуйся, пище и отrado к тебе прибегающих;  
радуйся, хлебе неснедаемый алчущих.  
Радуйся, богатство, бедне живущим на земли Богом данное;  
радуйся, воздвижение скорое убогих.  
Радуйся, быстрое нищих услышание;  
радуйся, скорбящих приятное попечение.  
Радуйся, триех дев непорочный невестителю;  
радуйся, чистоты усердный хранителю.  
Радуйся, ненадежных надеяние;  
радуйся, всего мира наслаждение.  
Радуйся, Николае, великий Чудотворче.

## **Кондак 6**

**Проповедует мир весь тебе, преблаженне Николае, скораго в бедах заступника, яко мно-  
гажды во едином часе по земли путешествующим и по морю плавающим, предваряя, пособ-  
ствуеши, купно всех от злых сохраняя, вопиющих к Богу: Аллилуия.**

## Икос 6

Возсиял еси свет животный, избавление нося воеводам, неправедную смерть прияти имущим, тебе, добрый пастырю Николае, призывающим, егда вскоре явлься во сне цареви, устршил еси его, сих же неврежденных отпустити повелел еси. Сего ради с ними купно и мы благодарственно вопием ти:

Радуйся, усердно призывающим тя помогаяй;  
радуйся, от неправеднаго убиения избавляй.  
Радуйся, от лестных сохраняй клеветы;  
радуйся, неправедных разрушай советы.  
Радуйся, растерзай лжеу яко паучину;  
радуйся, возношай славно истину.  
Радуйся, неповинных от уз разрешение; радуйся, и мертвцев оживление.  
Радуйся, проявителю правды;  
радуйся, помрачителю неправды.  
Радуйся, яко тобою неповиннини избавлены от меча;  
радуйся, яко тобою насладиша света.  
Радуйся, Николае, великий Чудотворче.

## Кондак 7

Хотя богохульное еретическое отгнati злосмрадie, миро воистину благовонное, таинственное явился еси, Николае; люди мирейских упасл еси и весь мир своим благодатным миром исполнил еси. И от нас убо богомерзкое греховное злосмрадie отжени, да благоприятно Богу вопием: Аллилуйя.

## Икос 7

Новаго тя Ноя, наставника ковчега спасительного разумеем, отче святый Николае, бурю всех лютых разгоняющего направлением своим, тишину же Божественную приносящаго вопиющим таковая:

Радуйся, обуреваемых тихое пристанище;  
радуйся, утопающих известное хранилище.  
Радуйся, плавающих посреде пучин добрый кормчий;  
радуйся, треволнения морская управляющий.  
Радуйся, превождение сущих в вихревх;  
радуйся, согреяние сущих во мразех.  
Радуйся, сияние, скорбный мрак разгоняющее;  
радуйся, светило, вся концы земли просвещающее.  
Радуйся, от бездны греховныя люди избавляй;  
радуйся, в бездну адскую сатану ввергай.  
Радуйся, яко тобою дерзновенно бездну милосердия Божия призываем;  
радуйся, яко тобою от потопа гнева избавльшеся, мир с Богом обретаем.  
Радуйся, Николае, великий Чудотворче.

## Кондак 8

Странное чудо является притекающим к тебе, блаженне Николае, священная твоя церковь: в ней бо и малое моление приносяще, велиих недугов приемлем исцеление, аще токмо по Бозе упование на тя возложим, верно вопиюще: Аллилуя.

## Икос 8

Весь еси всем воистину помощник, богоносе Николае, и собрал еси вкупе вся прибегающие к тебе, яко свободитель, питатель и врач скорый всем земным, на похвалу всех подвизая волити к тебе сице:

Радуйся, всяких исцелений источникe;  
радуйся, люте страждущим помощниче.  
Радуйся, заре, сияющая в ноши греховной блуждающим;  
радуйся, росо неботочная в знои трудов сущим.  
Радуйся, подаваяй требующим благостроение;  
радуйся, уготовляяй просящим изобилие.  
Радуйся, многажды прошение предваряяй;  
радуйся, старым сединам силу обновляяй.  
Радуйся, многих заблуждших от пути истиннаго обличителю;  
радуйся, тайн Божиих верный служителю.  
Радуйся, яко тобою зависть попираем;  
радуйся, яко тобою благонравное житие исправляем.  
Радуйся, Николае, великий Чудотворче.

## **Кондак 9**

**Всякия утоли болезни, великий наш заступниче Николае, растворяя благодатная врачевания, услаждающая души наша, сердца же веселящая всех усердно к помощи твоей притекающих, Богу же вопиющих: Аллилуия.**

## Икос 9

Ветия суемудренныя нечестивых видим тобою посрамленныя, богоумдре отче Николае:  
Ария бо хульника, разделяюща Божество, и Савеллия, смешающа Святую Троицу, препрел,  
нас же во Православии укрепил еси. Сего ради вопием ти сице:

Радуйся, щите, защищай благочестие;  
радуйся, мечу, посецай злочестие.  
Радуйся, учителю Божественных велений;  
радуйся, губителю богопротивных учений.  
Радуйся, лествице, Богом утвержденная, еюже восходим к небеси;  
радуйся, покрове, Богом зданный, имже покрываются мнози.  
Радуйся, немудрых умудривый твоими словесы;  
радуйся, ленивых подвигнувый твоими нравы.  
Радуйся, светлосте заповедей Божиих неугасимая;  
радуйся, луче оправданий Господних пресветлая.  
Радуйся, яко учением твоим сокрушаются еретическая главы;  
радуйся, яко тобою вернии сподобляются славы.  
Радуйся, Николае, великий Чудотворче.

## Кондак 10

Спасти хотя душу, плоть твою духови покорил еси воистину, отче наш Николае: молчанием бо прежде и бореньми с помыслы, деянию богомысле приложил еси, богомыслием же разум совершен стяжал еси, имже дерзновенно с Богом и Ангелы беседовал еси, всегда вопия: Аллилуия.

## Икос 10

Стена еси похваляющим, преблаженне, чудеса твоя и всем к заступлению твоему прибегающим; темже и нас, в добродетели убогих, от нищеты, напасти, недугов и нужд различных  
свобождай, вопиющих ти с любовию таковая:

Радуйся, от убожества вечнаго изымаяй;  
радуйся, богатство нетленное подаваяй.  
Радуйся, брашно негиблющее алчущим правды;  
радуйся, питие неисчерпаемое жаждущим жизни.  
Радуйся, от мятежа и брани соблюдаяй;  
радуйся, от уз и пленения свободождаяй.  
Радуйся, преславный в бедах заступниче;  
радуйся, превеликий в напастех защитниче.  
Радуйся, многих от погибели исхитивый;  
радуйся, безчисленных неврежденно сохранивый.  
Радуйся, яко тобою лютыя смерти грешни избегают;  
радуйся, яко тобою жизнь вечную кающиися получают.  
Радуйся, Николае, великий Чудотворче.

## Кондак 11

Пение Пресвятей Троице паче иных принесл еси, преблаженне Николае, умом, словом и делом: многим бо испытанием правоверная повеления уяснил еси, верою, надеждою и любвию наставляя нас в Троице Единому Богу воспевати: Аллилуя.

## Икос 11

Светозарную лучу во мраце жития сущим неугасимую видим тя, Богом избранне отче Николае: с невещественными бо ангельскими светы беседуеши о несозданном Троическом свете, верных же души просвещаши, вопиющих ти таковая:

Радуйся, озарение Трисолнечного Света;  
радуйся, деннице незаходимаго Солнца.  
Радуйся, свеще, Божественным пламенем возженнная;  
радуйся, яко угасил еси бесовский пламень нечестия.  
Радуйся, светлое правоверия проповедание;  
радуйся, доброзначное света евангельского сияние.  
Радуйся, молние, ереси пожигающая;  
радуйся, громе, устрашающий соблазняющия.  
Радуйся, истинного научителю разума;  
радуйся, таинственного изъявителю ума.  
Радуйся, яко тобою попрася поклонение твари;  
радуйся, яко тобою научихомся поклонятися Творцу в Троице.  
Радуйся, Николае, великий Чудотворче.

## Кондак 12

Благодать, данную ти от Бога, сведущий, радующеся твою память празднуем по долгу, преславный отче Николае, и к чудному заступлению твоему вседушно притекаем; преславных же твоих деяний, яко песка морского и множества звездного исчести не могуще, недоумением объяти бывше, вопием к Богу: Аллилуйя.

## Икос 12

Поюще твоя чудеса, восхваляем тя, всехвальне Николае: в тебе бо Бог, в Троице прославляемый, дивно прославися. Но аще и попремногу составленныя от души псалмы и песни приносим ти, Чудотворче святый, ничтоже творим равно дарованию чудес твоих, имже удивляющеся, вопием к тебе таковая:

Радуйся, Царя царствующих и Господа господствующих служителю;  
радуйся, служителей Его небесных сожителю.  
Радуйся, людем верным поможение;  
радуйся, рода христианского возвышение.  
Радуйся, победы тезоименитый;  
радуйся, венченосче нарочитый.  
Радуйся, всех добродетелей зерцало;  
радуйся, всех притекающих к тебе крепкое забрало.  
Радуйся, по Бозе и Богородице все наше упование;  
радуйся, телес наших здравие и душ спасение.  
Радуйся, яко тобою от вечныя смерти свобождаемся;  
радуйся, яко тобою безконечныя жизни сподобляемся.  
Радуйся, Николае, великий Чудотворче.

## Кондак 13

О пресвятый и пречудный отче Николае, утешение всех скорбящих, нынешнее наше приими приношение и от геенны избавитися нам Господа умоли богоприятным твоим ходатайством, да с тобою воспеваем: Аллилуя.

*Этот кондак читается трижды, и снова 1й икос и 1й кондак:*

## Икос 1

Ангела образом, земнаго суща естеством яви тебе всея твари Создатель; благоплодную бо доброту души твоей провидев, преблаженне Николае, научи всех вопити тебе сице:

Радуйся, от утробы материя очищенный;  
радуйся, даже до конца освященный.  
Радуйся, рождением своим родителей удививый;  
радуйся, силу душевную абие по рождестве явивый.  
Радуйся, саде земли обетования;  
радуйся, цвете Божественного саждения.  
Радуйся, лозо добродетельная винограда Христова;  
радуйся, древо чудоточное рая Иисусова.  
Радуйся, крине райского прозябения;  
радуйся, миро Христова благоухания.  
Радуйся, яко тобою отгонится рыдание;  
радуйся, яко тобою приносится радование.  
Радуйся, Николае, великий Чудотворче.

## Кондак 1

Возбранный Чудотворче и изрядный угодниче Христов, миру всему источай многоценное милости миро и неисчерпаемое чудес море, восхваляю тя любовию, святителю Николае; ты же, яко имеяй дерзновение ко Господу, от всяких мя бед свободи, да зову ти:

Радуйся, Николае, великий Чудотворче.

## Молитва

**О** всесвятый Николае, угодниче преизрядный Господень, теплый наш заступниче, и везде в скорбех скорый помоющиче! Помози ми, грешному и унылому, в настоящем сем житии, умоли Господа Бога даровати ми оставление всех моих грехов, елико согреших от юности моей, во всем житии моем, делом, словом, помышлением и всеми моими чувства; и во исходе души моей помози ми, окаянному, умоли Господа Бога, всея твари Содетеля, избавити мя воздушных мытарств и вечнаго мучения, да всегда прославляю Отца и Сына и Святаго Духа и твое милостивное представительство, ныне и присно и во веки веков. Аминь.

Текст акафиста приводится по следующему изданию: Православный молитвослов и Псалтирь. - М.: Издание Московской патриархии, 1988. - С. 64-71. - По благословению Святейшего Патриарха Московского и всея Руси Пимена.